



宋板  
 翻刻  
 儀禮經傳續  
 五



□ 12  
 2905  
 5  
 2 5





門口 12  
2905  
5

儀禮經傳續卷第二十六

因事之祭

祭禮十

國  
國  
國

小宗伯國大貞則奉玉帛以詔號諸國大祝建邦國  
先告后土用牲幣禁督逆祀命者頒祭號于邦國都  
鄙同○大宗伯王大封則先告后土乃頒祀于邦國  
都家鄉邑諸國內宰凡建國佐后立市祭之以陰禮

右立君封國○傳堯曰格汝舜詢事考言乃言底  
可績三載汝陟帝位舜讓于德弗嗣正月上日受  
終于文祖在璿璣玉衡以齊七政肆類于上帝禋  
于六宗望于山川徧于羣神大傳曰萬物非天不

平  
平

去  
五味均平藏

9





生非地不載非春不生非夏不長非秋不收非冬  
 不藏故書曰禋于六宗此之謂也書大傳尚舜  
 曰來禹于懋乃德嘉乃丕績天之曆數在汝躬汝  
 終陟元后禹拜稽首因辭帝曰母惟汝諧正月朔  
 旦受命于神宗率百官若帝之初謨禹○惟一月  
 癸巳王朝步自周于征伐商厥四月哉生明王來  
 自商至于豐丁未祀于周廟邦甸侯衛駿奔走執  
 豆籩越三日庚戌柴望大告武成武成○成王在豐  
 欲宅洛邑惟二且既望越六日乙未王朝步自周  
 則至于豐惟太保先周公相宅越若來三月惟丙  
 午黜越三日戊申太保朝至于洛卜宅厥既得卜

則經營越三日庚戌太保乃以庶殷攻位于洛  
 越五日甲寅位成若翼日乙卯周公朝至于洛則  
 達觀于新邑營越三日丁巳用牲于郊牛二越翼  
 日戊午乃社于新邑牛一羊一豕一記○成公曰  
 王肇稱殷禮祀于新邑咸秩無文予齊百工併從  
 王于周予惟曰庶有事○今王即命曰記功宗以  
 功作元祀記○周公曰予以鉅鬯二旨曰明禋拜  
 手稽首休享予不敢宿則禋于文王武王記○戊  
 辰王在新邑烝祭歲文王騂牛一武王騂牛一王  
 命作冊逸祝冊惟告周公其後王賓殺禋咸格王  
 入太室裸王命周公後作冊逸記○襄王使大



宰文公及內史興賜晉文公命上卿逆于境晉侯  
郊勞館諸宗廟饋九牢設庭燎及期命于武宮設  
桑主布几筵大宰涖之晉侯端委以入大宰以王  
命命冕服內史贊之三命而後即冕服既畢賓饗  
贈餞如公命侯伯之禮而加以宴好內史與歸  
以告王曰晉不可不善也其君必霸逆王命敬奉  
禮義成周國白虎通曰封諸侯於廟者示不敢專  
也明法度皆祖之制也舉事必害焉○古者明君  
爵有德而祿有功必賜爵祿於太廟示不敢專也  
故祭之日一獻君降立于阼階之南南鄉所命北  
面史由君右執策命之再拜稽首受書以歸而

奠于其廟祭○衛侯出奔使賂周欽治塵曰苟能  
納我吾使爾為卿周冶殺元咺及子適子儀公入  
祀先君周冶既服將命春秋左氏傳

天子五年一巡守歲二月東巡守至于岱宗柴而望  
祀山川五月南巡守至于南嶽如東巡守之禮八月  
西巡守至于西嶽如南巡守之禮十有一月北巡守  
至于北嶽如西巡守之禮歸假于祖禰用特牲○天  
子將出類乎上帝宣乎社造乎禰制○天子適四方  
先柴特○校人凡將事于四海山川則飾黃駒夏官  
○王人大璋中璋九寸邊璋七寸射四寸厚寸黃金  
勺青金外朱中鼻寸衡四寸有纁天子以巡守宗祝



以前馬官終

右巡守○傳虞傳曰維元祀巡守四嶽八伯壇四  
奧沉四海封十有二山兆十有二州樂正定樂名  
元祀代泰山貢兩伯之樂焉東嶽陽伯之樂舞佻  
離其歌聲比余謠名曰哲陽儀伯樂舞饗哉其歌  
聲比大謠名曰南陽中祀大交霍山貢兩伯之樂  
焉夏伯之樂舞謾或其歌聲比中謠名曰初慮義  
伯之樂舞將陽其歌聲比大謠名曰朱于秋祀柳  
穀華山貢兩伯之樂焉秋伯之樂舞祭傲其歌聲  
比小謠名曰苓落和伯之樂舞玄鶴其歌聲比中  
謠名曰歸來幽都弘山祀貢兩伯之樂焉冬伯之

舞齊落歌曰縵縵并論八音四會歸假于禰祖用  
特五載一巡守羣后德讓貢正聲而九族具成書  
獻○天子遊不出封圻不告祖廟尚書○魯隱公  
八年鄭伯請釋泰山之祀而祀周公以泰山之祊  
易許田三月鄭伯使宛來歸祊不祀泰山也春秋左氏  
傳○公羊子曰祊者何鄭湯沐之邑也天子有事  
于泰山諸侯皆從泰山之下諸侯皆有湯沐之邑  
焉許田者魯朝宿之邑也諸侯時朝乎天子天子  
之郊諸侯皆有朝宿之邑焉○穀梁子曰許田者  
魯朝宿之邑也祊者鄭伯之所受命而祭泰山之  
邑也用見魯之不朝於周而鄭之不祭泰山也



天子將出征類乎上帝宜乎社造乎禰禡於所征之地受命於祖受成於學出征執有罪反釋奠于學以訊馘告制○大祝大師宜于社造于祖設軍社類上帝國將有事于四望及軍歸獻于社則前祝諸○小宗伯若大師則帥有司而立軍社奉主車若軍將有事則與祭有司將事于四望凡王之軍旅之禱祀肄儀為位諸○量人營軍之壘舍量其市朝州涂軍社之所里馥○大司馬若大師則掌其戒令若師有功則左執律右秉鉞以先愷樂獻于社若師不功則厭而奉主車馥○肆師凡師甸用牲于社宗則為位類造上帝封于大神祭兵于山川亦如之凡師不功則

助牽主車諸○小祝大師掌釁祈號祝有寇戎之事則保郊祀于社諸

右天子出征○天下有道禮樂征伐自天子出必以歲之孟秋賞軍帥武人于朝簡練傑俊任用有功命將選士以誅不義於是孟冬以級授軍司徒摺朴北面而誓之誓于社以習其事先期五日太史誓于祖廟擇吉日齊戒告于郊社稷宗廟既則獻兆於天子天子使有司以特牲告社告以所征之事而受命焉舍奠于帝學以受成然後乃類上帝禁于郊以出以禋車載遷廟之玉及社主行大司馬職奉之無遷廟主則以幣帛皮圭告于祖禰



謂之主命亦載齊車凡行主皮圭幣帛皆每舍奠  
焉而後就館主車止於中門之外外門之內廟主  
居于道左社主居于道右其所經名山六川皆告  
祭焉○及至敵所將戰太史卜戰日卜右御先期  
三日有司明以敵人罪狀告之文史定誓命戰日  
將帥陳列車甲卒伍于軍門之前有司讀誥誓使  
周定三令五申既卒遂禱戰祈克于上帝然後即  
敵將士戰全已克敵史擇吉日復禱于所征之地  
禁于上帝祭社奠祖以告克者不頓丘傷士也戰  
不克則不告也○凡類禡皆用甲丙戊庚壬之剛  
日有司簡功行賞不稽于時其月令者則加爵受

賜于祖奠之前其奔北犯令者則加刑罰戮于社  
主之前然後鳴金振旅有司徧告捷于時所有事  
之山川○既至舍于國外三日齊以特牛親格于  
祖禩然後入設奠以反主若主命則卒斂玉埋之  
于廟兩階間反社主如初迎之禮舍奠于帝學以  
訊馘告大享于羣吏用備樂享有功于祖廟舍爵  
策勲焉謂之飲至此天子親征之禮也○天子命  
將出征親絜齋盛服設奠于祖以詔之天將先入  
軍吏畢從皆北面再拜稽首而受天子將階南面  
命受之節鉞大將受天子乃東鄉西面而揖之示  
弗御也然後告太社冢宰執屨宜於社之右南面



授大將大將北面稽首再拜而受承所頒賜于軍  
吏其出不類其克不馮戰之所在有大山川則祈  
焉禱克于五帝捷則報之振旅復命簡異功勤親  
告廟告社而後適朝祈勝之禮命勇謀之將以禦  
敵先使迎於適所從來之方為禮祈克于上帝衣  
服隨其方色報事人數從其方之數牲則用其方  
之牲祝史告于社稷宗廟邦域之內名山大川君  
親素服誓衆于太廟曰某人不道侵犯大國二三  
子尚皆同心比心死而守將帥稽首再拜受命既  
誓將帥勒士卒陳于廟之右君立太廟之庭祝史  
立于社百官各警其事御于君以待命乃大鼓于

廟門詔將帥命卒習射三發擊刺三行告廟用兵  
于敵也五兵備効乃鼓而出以即敵此諸侯應之  
禮也○司馬遷曰興兵以討不義乃告于皇天上  
帝日月星辰禱于后土四海神祇山川冢社乃造  
于先生然後冢宰徵師于諸侯曰某國為不道征  
之以某年月日師至于某國○帥師者受命於廟  
受賑於社春秋左氏傳○曾子問曰古者師行必以遷  
廟主行乎孔子曰天子巡狩以遷廟主行載于齊  
車言必有尊也今也取七廟之主以行則失之矣  
當七廟五廟無虛主虛主者唯天子崩諸侯薨與  
去其國與祫祭於祖為無主耳吾聞諸老聃曰天



子崩國君薨則祝取羣廟之主而藏諸祖廟禮也  
 卒哭成事而后主各反其廟君去其國大宰取羣  
 廟之主以從禮也禘祭於祖則祝迎四廟之主主  
 出廟入廟必蹕老聃云曾子問曰古者師行無遷  
 主則何主孔子曰主命問曰何謂也孔子曰天子  
 諸侯將出必以幣帛皮圭告于祖禰遂奉以出載  
 于齊車以行每舍奠焉而后就舍反必告設奠卒  
 斂幣玉藏諸兩階之間乃出蓋貴命也贈子○公  
 族其在軍則守於公禰文王世子○湯誥曰敢用玄牡  
 敢昭告于上天神后請罪有夏武王伐殷曰  
 商罪貫盈天命誅之予弗順天厥罪惟鈞予小子

夙夜祗懼受命文考類于上帝宜于冢土以爾有  
 衆底天之罰○又曰底商之罪告于皇天后土所  
 過名山大川曰惟有道曾孫周王發將有大正于  
 商今商王受無道暴殄天物害虐丞民為天下逋  
 逃主萃淵藪予小子既獲仁人敢祗承上帝以遏  
 亂略華夏蠻貊罔不率俾恭天成命肆予東征綏  
 厥士女惟其士女篚厥玄黃昭我周王天休震動  
 用附我大邑周惟爾有神尚克相予以濟兆民無  
 作神羞上同○王升舟入水鐘鼓亞觀臺亞將舟亞  
 宗廟亞尚書大傳○牧之野武王之大事也既事而退  
 柴於上帝祈於社設奠於牧室遂率天下諸侯執



豆邊遂奔走追王大王曾父王季歷文王昌不以  
畢臨尊也獻○莊公八年春王正月甲午治兵左  
氏曰治兵于廟禮也春秋左氏傳○諸侯從劉康公成  
肅公會晉侯伐秦成子受服于社不敬劉子曰吾  
聞之民受天地之中以生所謂命也是以有動作  
禮義威儀之則以定命也能者養之以福不能者  
敗以取禍是故君子勤禮小人盡力勤禮莫如致  
敬盡力莫如敦篤敬在養神篤在守業國之大事  
在祀與戎祀有執膳戎有受服神之節也今成  
子惰棄其命矣其不反乎春秋左氏傳○晉侯伐齊將  
濟河獻子以朱絲係玉二穀而禱曰齊環恬恃其

險負其衆庶棄好背盟陵虐神主曾臣彪將率諸  
侯以討焉其官臣偃實先後之苟捷有功無作神  
羞官臣偃無敢復濟唯爾有神裁之沈玉而濟春秋  
左氏傳○晉伐鄭楚子救鄭遇於鄢陵楚子登巢車  
以望晉軍子重使大宰伯州犂侍于王後王曰騁  
而左右何也曰召軍吏也皆聚於中軍矣曰合謀  
也張幕矣曰虔卜於先君也徹幕矣曰將發命也  
其囂且塵上矣曰將塞井夷竈而為行也皆乘矣  
左右執兵而下矣曰聽誓也戰乎曰未可知也乘  
而左右皆下矣曰戰禱也春秋左氏傳○楚子圍許許  
男面縛銜璧大夫衰經士與欒楚子問諸逢伯對



曰昔武王克殷微子啓如是武王親釋其縛受其  
璧而祓之焚其櫬禮而命之使復其所楚子從之  
春秋左氏傳○鄭子展子產伐陳入之子展命師無入  
公宮與子產親御諸門陳侯使司馬栢子賂以宗  
器陳侯免擁社使其衆男女別而累以待於朝子  
展執紼而見再拜稽首承飲而進獻于美入數俘  
而出祝祓社司徒致民司馬致師司左致地乃還  
春秋左氏傳○楚子敗晉師于邲潘黨曰君盍築武軍  
而收晉尸以為京觀楚子曰古者明王伐不敬取  
其鯨鯢而封之以為大戮於是乎有京觀以懲淫  
慝今罪無所而民皆盡忠以死君命又可以為京

觀乎祀于河作先君宮告成事而還春秋左氏傳

大祝大會同造于廟宜于社過大山川則用事焉反  
行舍奠春秋○甸祝舍奠于祖廟禘亦如之春秋○小宗  
伯凡王之會同軍旅甸役之禱祠隸儀為位有禍哉  
亦如之上○諸侯將出宜乎社造乎禘王制

右朝會○傳起大事動大眾必先有事乎社禘孔  
子曰諸侯適天子必告于祖奠于禘冕而出視朝  
命祝史告于社稷宗廟山川乃命國家五官而后  
行道而出告者五日而徧過是非禮也凡告用牲  
幣反亦如之諸侯相見必告于禘朝服而出視朝  
命祝史告于五廟所過山川亦命國家五官道而



出反必親告于祖禰乃命祝史告至于前所告者

而后聽朝而入問子○相公二年冬公至自唐告

于廟也凡公行告于宗廟反行飲至舍爵策勳焉

禮也春秋左氏傳○襄公十三年公至自晉孟獻子書

勞于廟禮也春秋左氏傳○衛獻公出奔及竟公使祝

宗告亡且告無罪定姜曰無神何告若有不可誣

也有罪若何告無告亡而已無告無罪春秋左氏傳○

劉文公合諸侯于召陵將會衛靈公使祝佗從辭

曰臣展四體以率舊職猶懼不給而煩刑書若又

共二微大罪也且夫祝社稷之常肆也社稷不動

祝不出竟官之制也君以軍行被社釁鼓祝奉以

從於是乎出竟若嘉好之事君行師從鄉行旅從

臣無事焉春秋左氏傳

大司馬中春教振旅遂以蒐田有司表貉中冬教大

閱遂以狩田既陳乃該驅逆之車有司表貉于陳前

○肆師凡四時之大甸獵祭表貉則為位○司几筵

甸役則設熊席右漆几諸○甸祝掌四時之田表貉

之祝號舍奠于祖廟禰亦如之師甸致禽于虞中乃

屬禽及郊饁獸舍奠于祖禰乃斂禽禩牲禩馬皆掌

其祝號官春○小宗伯若大甸則帥有司而饁獸于郊

遂頒禽○凡王之甸役之禱祠肆儀為位諸○肆師

凡甸用牲于社宗則為位上同



右甸

孔子厄於陳蔡從者七日不食子貢以所賣貨竊犯圍而出告糴於野人得米一石焉顏回俾由炊之子召顏回曰疇昔予夢見先人豈或啓祐我哉子炊而進飯吾將進焉對曰向有埃墨墮飯中欲置之則不潔欲棄之則可惜回即食之不可祭也家語○驪姬以君命命申生曰今夕君夢見齊姜必速祠而歸福申生許諾乃祭于曲沃歸福于降國語

右夢祭

大祝掌六祈以同鬼神示一曰類二曰造三曰禴四曰禋五曰攻六曰說諸小祝掌小祭祀將事侯禳

禱祠之祝號以祈福祥順豐年逆時雨寧風旱彌裁兵遠孽疾同○大宗伯國有大故則旅上帝及四望同○典瑞四圭有邸以祀天旅上帝兩圭有邸以祀地旅四望同○玉人兩圭五寸有邸以旅四望終○職金旅于上帝則共其金版官○掌次王大旅上帝則張氈案設皇邸官○典瑞大旅共其玉器而奉之諸○司尊彝大喪存奠彝大旅亦如之同○眠瞭掌凡樂事播鼗鼓擊頌磬笙磬掌大師之縣凡樂事相瞽大喪廢樂器大旅亦如之諸○笙師掌教敝等笙塤箛簫篪篴管春牘應雅以教祓樂大喪廢其樂器大旅則陳之同○龜人若有祭事則奉龜以往旅亦



如之上同○大卜凡旅陳龜上同○小宗伯大戒及執事

禱祠于上下神示上同○大祝國有大故天戒彌祀上同

稷禱祠上同○小宗伯國有禍茲之禱祠肆儀為仁上同

○肆師若國有大故則令國人祭歲時之祭祀亦如

之上同○都宗人國有大故則令禱祠既祭反命于國

○家宗人國有大故則令禱祠反命祭亦如之上同

○小祝大喪及葬設道齋之奠分禱五祀上同○小子

凡沈辜侯禳飾其牲上同○羊人凡沈辜侯禳釁積共

其羊牲上同○犬人掌犬牲凡祭祀共犬牲用牲物伏

瘞亦如之凡幾珥沈辜用馱可也上同○牧人凡外祭

毀事用尢可也上同○雞人凡祭祀面禳釁共其雞牲

官○男巫掌望祀望衍授瘡旁招以茅冬堂贈無方

無筭上同○女巫掌歲時祓除釁浴上同○占夢季冬乃

舍萌于四方以贈惡夢上同○庶氏掌除毒蠱以攻說

禮之嘉草攻之凡敵蠱則令之比之上同○翦氏掌除

蠹物以攻禁攻之以莽草熏之凡庶蠱之事上同○壺

涿氏掌除水蟲以炮土之鼓毆之以焚石投之若欲

殺其神則以牡犛午貫象齒而沈之則其神死淵為

陵上同○庭氏掌射國中之天鳥若不見其鳥獸則以

救日之弓與救月之矢夜射之若神也則以大陰之

弓與狂矢射之上同

右祈禳○傳昭公十八年夏五月鄭火子產使子



寬子上巡羣屏攝至于大官使公孫登徒大龜使  
祝史徒主祀於周廟告于先君明日使郊人助祝  
史除於國北禳火于玄冥回祿三日哭七月鄭子  
產為火故大為社被禳於四方振除火災禮也左氏  
傳○宋災二師令四鄉正敬享祝宗用馬于四  
墉祀盤庚于西門之外晉侯問於士弱曰吾聞之  
宋災於是乎知有天道何故對曰古之火正或食  
於心或食於味以出內火是故味為鶉火心為大  
火陶唐氏之火正閼伯居商丘祀大火而火紀時  
焉相土因之故商主大火商人閼其禍敗之釁必  
始於火是以日知其有天道也春秋左○惠王十

五年有神降于莘王問於內史過曰是何故固有  
之乎對曰有之國之將興其君齊明衷正精潔惠  
和其德之以昭其馨香其惠足以同其民人神饗  
而民聽民神無怨故明神降之觀其政德而均布  
福焉國之將亡其君貪冒辟邪淫佚荒怠麤穢暴  
虐其政腥臊馨香不登其刑矯誣百姓攜貳明神  
弗弔而民有遠志民神怨痛無所依懷故神亦往  
焉觀其苛虐而降之禍是以或見神以興亦或以  
亡昔夏之興也融降于崇山其亡也回祿信於聆  
遂商之興也禱机次於丕山其亡也夷羊在牧周  
之興也鸞鷖鳴於岐山其衰也杜伯射王于鄩是



皆明神之志者也王曰今是何神也對曰昔昭王  
娶於房曰房后實有爽德協于丹朱丹朱馮身以  
儀之主穆王焉實臨照周之子孫而禍福之夫神  
壹不遠徙遷若由是觀之其丹朱之神乎王曰其  
誰受之對曰在號工王曰然則何為對曰臣聞之  
道而得神是謂逢福淫而得神是謂貪福今號少  
荒其亡乎王曰吾其若之何對曰使大宰以祝史  
帥得姓奉犧牲粢盛玉帛往獻焉無有祈也王使  
太宰忌父帥傅氏及祝史奉犧牲玉鬯往獻焉內  
史過從至號號公亦使祝史請事焉內史過曰告  
王曰號必亡矣不禋於神而求福焉神必禍之木

九年晉取虢周語○楚共王無冢適有寵子五人  
無適立焉乃大有事于羣望而祈曰請神擇於五  
人者使主社稷乃徧以璧見於羣望曰當璧而拜  
者神所立也誰敢違之既乃與巴姬密埋璧於大  
室之庭春秋左○夏之衰也褒人之神化為二龍  
以同于王庭而言曰余褒之二君也夏后卜殺之  
與去之與止之莫吉卜請其祭而藏之吉乃布幣  
焉而策告之龍止而聚在積而藏之傳郊之及殷

周莫之發也

國語

小宗伯凡天地之大裁類社稷宗廟則為位譜○鼓  
人救日月則詔王鼓地○大僕救日月贊左鼓腹



右天地大哉。○傳莊公二十五年六月辛未朔日  
有食之鼓用牲于社左氏曰非常也唯正月之朔  
慝未作日有食之於是乎用幣于社伐鼓于朝。○  
公羊子曰日食則曷為鼓用牲于社求乎陰之道  
也以朱絲營社或曰脅之或曰為闇恐人犯之故  
營之。○穀梁子曰言日言朔食正朔也鼓用牲于  
社鼓禮也用牲非禮也天子救日置五麾陳五兵  
五鼓諸侯置三麾陳三鼓三兵大夫擊門士擊柝  
言充其陽也。左氏曰修穀○文公十五年六月日  
有食之鼓用牲于社左氏曰非禮也日有食之天  
子不舉伐鼓于社諸侯用幣于社伐鼓于朝以昭

事神訓民事君示有等威古之道也。○昭公十七  
年六月甲戌朔日食之左氏曰祝史請所用幣昭  
子曰日有食之天子不舉伐鼓於社諸侯用幣於  
社伐鼓於朝禮也平子禦之曰止也唯正月朔慝  
未作日有食之於是乎有伐鼓用幣禮也其餘則  
否太史曰在此月也日過分而未至三辰有災於  
是乎百官降物君不舉辟移時樂奏鼓祝用幣史  
用辭故夏書曰辰不集于房鼓奏鼓畜夫馳庶人  
走此月朔之謂也當夏四月是謂孟夏平子弗從  
昭子退曰夫子將有異志不君君矣。春秋左○義  
和洒淫廢時亂日胤往征之惟時羲和顛覆厥德



亂于酒畔官離次倣擾天紀遐棄厥司乃季秋月  
朔辰弗集于房瞽奏鼓番夫馳庶人走羲和尸厥  
宮罔聞知昏迷于天象以干先王之誅政典曰先  
時者殺無赦不及時者殺無赦今予以爾有衆奉  
將天罰○昭公十七年冬有星孛于大辰西及漢  
鄭裨竈言於子產曰宋衛陳鄭將同日火若我用  
瓘擘玉瓚鄭必不火子產弗與十八年夏五月火  
始昏見丙子風梓慎曰是謂融風火之始也七日  
其火作乎戊寅風甚壬午大甚宋衛陳鄭皆火梓  
慎登大庭氏之庫以望之曰宋衛陳鄭也數日皆  
來告火裨竈曰不用吾言鄭又將火鄭人請用之

子產不可子大叔曰寶以保民也若有火國幾亡  
可以救亡子何愛焉子產曰天道遠人道邇非所  
及也何以知之竈焉知天道是亦多言矣豈不惑  
信遂不與亦不復火春秋左○哀公六年有雲如  
衆赤鳥夾日以飛三日楚子使問諸周大史周大  
史曰其當王身乎若祭之可移於令尹司馬王曰  
除腹心之疾而寘諸股肱何益不穀不有大過天  
其天諸有罪受罰又焉移之遂弗祭春秋左○昭  
公二十六年齊有彗星齊侯使禳之晏子曰無益  
也祇取誣焉天道不貽不貳其命若之何禳之且  
天之有彗也以除穢也君無穢德又何禳焉若德



之穢穰之何損詩曰惟此文王小心翼翼昭事上帝  
帝聿懷多福厥德不回以受方國君無違德方國  
將至何患於彗詩曰我無所監夏后及商用亂之  
故民卒流亡若德回亂民將流亡祝史之為無能  
補也公說乃止春秋左氏傳○梁山崩以傳召伯宗遇  
大車當道而覆立而辟之曰辟傳對曰傳為遠也  
若俟吾辟之則加遲矣不如捷而行伯宗喜問其  
居曰絳人也伯宗曰何聞曰梁山崩而以傳召伯  
宗問曰將若何對曰山有初壤而自崩將若何夫  
國主山川故川涸山崩君為之降服出次乘縵不  
舉策於上帝國三日哭以禮焉雖伯宗亦其如是

而已其若之何問其名不告請以見弗許伯宗及  
絳以告而從之調語

維王后元祀帝令大禹步于上帝維時洪祀六沴用  
登于下是用知不畏而神之怒若六沴作見若是共  
禦帝用不差神則不怒五福乃降用章于下若六沴  
作見若不共禦六伐既侵六極其下禹乃共辟厥德  
受命休令爰用五事建用五極長事一曰貌貌之不  
恭是為不肅厥咎狂厥罰恒雨厥極惡時則有服妖  
時則有龜孽時則有雞禍時則有下體生於上之疢  
時則有青眚青祥次二事曰言言之不謂不又厥咎  
厥罰恒陽厥極變時則有詩妖時則有介蟲之孽時



則有犬禍時則有口舌之病時則有白青白祥維木  
沴金次三事曰視視之不明是謂不愆厥咎茶厥罰  
恒煥厥極疾時則有草妖時則有保燕之孽時則有  
羊禍時則有目痾時則有赤青赤祥維水沴火次四  
事曰聽聽之不聰是謂不謀厥咎急厥罰恒寒厥極  
貧時則有鼓妖時則有豕禍時則有耳痾時則有黑  
青黑祥維火沴水次五事曰思心思心之不容是謂  
不聖厥咎雩厥罰恒陰厥極凶短折時則有脂夜之  
妖時則有孽孽時則有牛禍時則有心腹之痾時則  
有黃青黃祥時則有金木水火沴土工之不極是謂  
不建厥咎雩厥罰恒陰厥弱時則有射妖時則有寤

龍之孽時則有馬禍時則有下人伐上之痾時則有  
日月亂行星辰逆行維五位復建辟厥沴曰二月三  
月維貌是司四月五月維視是司六月七月維言是  
司八月九月維聽是司十月十一月維思心是司十  
二月與正月維王極是司凡六沴之作歲之朝月之  
朝日之朝則后王受之歲之中月之中日之中則正  
卿受之歲之夕月之夕日之夕則庶民受之其二辰  
以次相將其次受星辰莫同是離逢非沴維鮮之功  
禦貌於喬忿以其月從其禮祭之參乃從禦言於訖  
衆以其月從其禮祭之參乃從禦視於忽似以其月  
從其禮祭之參乃從禦聽於休以其月從其禮祭



之參乃從禦思心於有尤以其月從其禮祭之參乃從禦王極於宗始以其月從其禮祭之參乃從六沴之禮散齊七日致齊新器絜祀用赤黍三日之朝於中庭祀四方從東方始卒於北方其祀禮曰格祀曰某也方祀曰播國率相行祀其祀也曰若爾神靈洪祀六沴是合無差無傾無有不正若民有不敬事則會批之六沴六事之機以縣示我我民人無敢不敬事上下王祀尚書大傳

右六沴

大司徒荒政十有二聚萬民十有一曰索鬼神○司巫若國有大旱則師巫而舞雩國有大災則師巫而

造巫恒春○女巫旱暵則舞雩凡邦之大災歌哭而請謂○舞師教皇舞帥而舞旱暵之事○稻人旱暵共其雩斂

右雩○傳公子偃擊宋自雩門竊出春秋左氏傳○湯之時大旱七年維坼川竭煎沙爛石於是使人持三足鼎祝山川教之祝曰政不節邪使人疾邪苞苴行邪讒夫昌邪宮室營邪女謁盛邪何不雨之極也蓋未已而天大雨故天之應人如影之隨形響之効聲者也詩云上下奠瘞靡神不宗言疾旱也說○齊大旱之時景公召羣臣問曰天不雨久矣民且有饑色吾使人卜之祟在高山廣水寡



人欲少賦斂以祠靈山可乎羣臣莫對晏子進曰  
 不可祠此無益也夫靈山固以石為身以草木為  
 髮天久不雨髮將焦身將熱彼獨不欲雨乎祠之  
 無益景公曰不然吾欲祠河伯可乎晏子曰不可  
 祠此無益也夫河伯以水為國以魚鼈為民天久  
 不雨水泉將下百川竭國將亡日將滅矣彼獨不  
 用雨乎祠之何益景公曰今為之奈何晏子曰君  
 誠避宮殿暴露與靈山河伯共愛其幸而雨乎於  
 是景公出野暴露三日天果大雨民盡得種樹景  
 公曰善哉晏子之言可無用乎其惟有德也說○  
 齊景公之時天大旱三年卜之曰必以人祠乃雨

景公下堂頓首曰凡吾所以求雨者為吾民也今  
 必使吾以人祠乃且雨寡人將自當之言未卒而

天大雨

雜說

○衛大旱卜有事於山川不吉甯莊

子曰昔周饑克殷而年豐今邢方無道諸侯無伯

天其或者欲使衛討邢乎從之師興而雨春秋左

○歲旱穆公召縣子而問然曰天久不雨吾欲暴

厓而奚若曰天則不雨而暴人之疾子虐母乃不

可與然則吾欲暴巫而奚若曰天則不雨而望之

愚婦人於以求之母乃已疏乎徙市則奚若曰天

子崩巷市七日諸侯薨巷市三日為之徙市不亦

可乎檀弓

○鄭大旱使屠擊祝款豎柎有事於桑



山斬其木不雨子產曰有事於山藝山林也而斬其木其罪大矣奪之官邑春左○莊公二十五年秋大水鼓用牲于社于門左氏曰非常也凡天災有幣無牲非日月之眚不鼓○穀梁子曰高下有水災曰大水既戒鼓而駭衆用牲可以已矣救日以鼓兵救水以鼓衆○公羊子曰于社禮也于門非禮也○鄭大水龍鬪于時門之外消淵國人請為祭焉子產弗許曰我聞龍不我覿也龍鬪我獨何覿焉禳之則彼其室也吾無求於龍龍亦無求於我乃止也春秋左氏傳

女祝掌王后之內祭祀凡內禱祠之事掌以時招梗

禳禳之事以除疾殃說○男巫春招弭以除疾病說

○疾病乃行禱五祀說夕

右疾病○傳武王有疾周公作金縢金縢既克商二年王有疾弗豫一公曰我其為王穆卜同公曰未可以戚我先王公乃自以為功為三壇同墀為壇於南方北面司公立焉植璧秉珪乃告太王王季文王史乃冊祝曰惟爾元孫某遘厲虐疾若爾三王是有丕子之責于天以旦代某之身予仁若考能多材多藝能事鬼神乃元孫不若旦多材多藝不能事鬼神乃命于帝庭敷佑四方用能定爾子孫于下地四方之民罔不祗畏嗚呼無墜天之



降寶命我先王亦未有依歸今我即命于元龜爾  
 之許我我其以璧與珪歸俟爾命爾不許我我乃  
 屏璧與珪乃卜三龜一習吉啓籥見書乃并是吉  
 公曰體王其罔害予小子新命于三五惟永終是  
 圖茲攸俟能念于一人公歸乃納冊于金縢之匱  
 中王翼日乃瘳尚書○子疾病子路請禱子曰有  
 諸子路對曰有之誅曰禱爾于上下神祇子曰立  
 之禱久矣論○鄭問公使公孫成子來聘于公公  
 疾韓宣子贊授客館客問君疾對曰寡君之疾而  
 矣上下神祇無不一徧諭也而無除今夢黃熊入于  
 寢門不知人殺乎厲鬼邪子產曰以君之明子

為大政其何厲之有僑聞之昔者鯀違帝命殛之  
 於羽山化為黃熊以入于羽淵實為夏郊三代舉  
 之夫鬼神之所及非其族類則紹其同位是故天  
 子祀上帝公侯祀百辟自卿以下不過其族今周  
 室少卑晉實繼之其或者未舉夏郊邪宣子以告  
 祀夏郊董伯為尸謂語○楚昭王有疾卜曰河為  
 崇王弗祭大夫請祭諸郊王曰三代命祀祭不越  
 望江漢睢漳楚之望也禍福之至不是過也不穀  
 雖不德河非所獲罪也遂弗祭春秋左氏傳○晉侯有  
 疾鄭伯使公孫僑如晉聘且問疾叔向問焉曰寡  
 君之疾病卜人曰實沈臺駘為祟史莫之知敢問



此何神也子產曰昔高辛氏有二子伯曰閼伯季曰實沈居于曠林不相能也日尋干戈以相征討后帝不臧遷閼伯于商丘主辰商人是因故辰為商星遷實沈于大夏主參唐人是因以服事夏商其季世曰唐叔虞當武王邑姜方震大叔夢帝謂已余命而子曰虞將與之唐屬諸參而蕃育其子孫及生有文在其手曰虞遂以命之及成王滅唐而對大叔焉故參為晉星由是觀之則實沈參神也昔金天氏有裔子曰昧為玄冥師生允格臺駘臺駘能業其官宣汾洮偉大澤以處大原帝用嘉之封諸汾川沈妣蓐黃實守其祀今晉主汾而滅

之矣由是觀之則臺駘汾神也抑此二者不及君身山川之神則水旱癘疫之災於是乎禳之日月星辰之神則雪霜風雨之不時於是乎禳之若君身則亦出入飲食哀樂之事也山川星辰之神又何為焉春秋左氏傳○襄公十年宋公享晉侯於楚丘請以桑林荀瑩辭荀偃士句曰諸侯宋魯於是觀禮魯有禘樂賓祭用之宋以桑林享君不亦可乎舞師題以旌夏晉侯瞿而退入于房去旌卒享而還及著雍疾卜桑林見荀偃士句欲奔請禱焉荀瑩不可曰我辭禮矣彼則以之猶有鬼神於彼加之晉侯有間春秋左氏傳○齊侯疥遂疢期而不瘳諸



侯之賓問疾者多在梁丘據與裔款言於公曰吾事鬼神豐於先君有加矣今君疾病為諸侯憂是祝史之罪也諸侯不知其謂我不敬君盍誅於祝固史噐以辭賓公說告晏子晏子曰日宋之盟屈建問范會之德於趙武趙武曰夫子之家事治言於晉國竭情無私其祝史祭祀陳信不愧其家事無猜其祝史不祈建以語康王康王曰神人無怨宜夫子之光輔五君以為諸侯主也公曰據與款謂寡人能事鬼神故欲誅於祝史子稱是語何故對曰若有德之君外內不廢上下無怨動無違事其祝史薦信無愧心矣是以鬼神用饗國受其福

祝史與焉其所以蕃祉老壽者為信君使也其言忠信於鬼神其適遇淫君外內頗邪上下怨疾動作辟違從欲厭私高臺深池撞鐘舞女斬刈民力輸掠其聚以成其違不恤後人暴虐淫從肆行非受無所還忌不思諂譖不憚鬼神怒民痛無悛於心其祝史薦信是言罪也其蓋失數美是矯誣也進退無辭則虛以求媚是以鬼神不饗其國以禍之祝史與焉所以天昏孤疾者為暴君使也其言僭慢於鬼神公曰然則若之何對曰不可為也山林之木衡鹿守之澤之萑蒲舟鮫守之藪之薪蒸虞候守之海之鹽廔祈望守之縣鄙之人入從



其政偏介之關暴征其私承嗣大夫強易其賄布  
常無藝徵斂無度宮室日更淫樂不違內寵之妾  
肆奪於市外寵之臣僭令於鄙私欲養求不給則  
應民人苦病夫婦皆詛祝有益也詛亦有損聊攝  
以東姑尤以西其為人也多矣雖其善祝豈能勝  
億兆人之詛君若欲誅於祝史脩德而後可公說  
使有司寬政毀關去禁薄斂已責十二月齊侯田

于市春秋左氏傳

方相氏掌蒙熊皮黃金四目玄衣朱裳執戈揚盾帥  
百隸而時難以索室歐疫頤○季春命國難九門磔  
攘以畢春氣頡○仲秋天子乃難以達秋氣頡○季

冬命有司大難旁磔出土牛以送寒氣頡○占夢遂  
令始難歐疫春

右難○傳鄉人離朝服而立於阼階禮

詛祝掌盟詛類造攻說禱禱之祝號作盟詛之載辭  
以敘國之信用以質邦國之劑信詒○司盟掌盟載  
之法凡邦國有疑會同則掌其盟約之載及其禮儀  
北面詔明神既盟則貳之盟萬民之犯命者詛其不  
信者亦如之凡民之有約劑者其貳在司盟有獄訟  
者則使之盟詛凡盟詛各以其地域之衣庶共其牲  
而致焉既盟則為司盟共祈酒脯秋○封人大盟則  
飾其牛牲詒○戎右盟則以玉敦辟盟遂役之贊牛



耳桃菊饋

右盟詛○傳泣牲曰盟曲禮○隱公八年宋公齊  
 侯衛侯盟于危屋穀梁子曰外盟不日此其日何  
 也諸侯之參盟於是始故謹而日之也誥誓不及  
 五帝盟詛不及三王交質子不及二伯○成王盟  
 諸侯于岐陽楚為荆蠻置茅莖設望表與鮮牟守  
 燎楚語○定公與齊侯會于夾谷孔子攝相事曰  
 臣聞有文事者必有武備有武事者必有文備古  
 者諸侯出疆必具官以從請具左右司馬定公從  
 之至會所為壇位土階三等以遇禮相見揖讓而  
 登獻酢既畢齊使萊人以兵鼓譟劫定公孔子曆

階而進以公退曰士以兵之吾兩君為好裔夷之  
 俘敢以兵亂之并命君所以命諸侯也裔不謀夏  
 夷不亂華俘不干盟兵不偏好於神為不祥於德  
 為愆義於人為失禮君必不然齊侯心忤麾而避  
 之將盟齊人加載書曰齊師出境而不以兵車三  
 百乘從我者有如此盟孔子使茲無還對曰而不  
 返我汶陽之田吾以供命者亦如之齊侯歸責其  
 羣臣曰魯以君子道輔其君而子獨以夷狄道教  
 寡人使得罪於是乃歸所侵魯之四邑及汶陽之  
 田魯語哀公會齊侯盟于蒙武伯問於高柴曰諸  
 侯盟誰執牛耳季羔曰郟衍之役吳公子姑曹發



陽之役衛石魋武伯曰然則彘也春秋左○晉師將盟衛侯于鄆澤趙簡子曰羣臣誰敢盟衛君者沙佗成何曰我能盟之衛人請執牛耳成何曰衛吾温原也焉得親視諸侯將敵涉佗拔衛侯之手及挽衛侯怒王孫賈趨進曰盟以信禮也有如衛君其敢不唯禮是事而受此盟也春秋左○晉文公伐衛楚師救衛戰于平北楚師敗績晉師還至于衡雍作王宮于踐土獻楚俘于王王子虎盟諸侯于王庭要言曰皆將二室無相害也有渝此盟明神殛之俾隊其師無詐國春秋左○崔杼弑齊君立景公而相之慶為左相盟國人於大宮

曰所不與崔慶者晏仰天歎○嬰所不唯忠於君利社稷者是與有如上帝乃以春秋左○諸侯伐鄭鄭人懼乃行成秋六月同盟于亳范宣子曰不慎必失諸侯諸侯遠敵而無六能無貳乎乃盟載書曰凡我同盟毋蘊干女獲其女保姦母留恩救災患恤禍亂同好惡獎王室或開茲命司慎司盟名山名川羣臣羣祀先王先公七姓十二國之祖明神殛之俾失其民隊命亡民踏其國家春秋傳○五霸桓公為盛茲丘之會諸侯束牲載書而不歃血初命曰誅不孝無易樹子無以妾為妻再命曰尊賢育才以彰有德三命曰敬老慈幼無忘



賓旅四命曰士無世官官事無攝取士必得無專  
 殺大夫五命曰無曲防無遺糴無有封而不告曰  
 凡我同盟之人既盟之後言歸于好諸侯○諸侯  
 伐鄭鄭人恐乃行成同盟于戲鄭將盟鄭六卿公  
 子駢公子發公子嘉公孫輒公孫蔓公孫舍之及  
 其大夫門子皆從鄭伯晉士莊子為載書曰自今  
 日既盟之後鄭國而不唯晉命是聽而或有異志  
 者有如此盟公子駢搗進曰天禍鄭國使介居二  
 大國之間大國不加德音而亂以要之使其鬼神  
 不獲歆其禋祀其民人不獲享其土利夫婦辛若  
 蓄隘無所底告自今日既盟之後鄭國而不唯有

禮與彊可以庇民者是從而敢有異志者亦如之  
 荀偃曰改載書公孫舍之曰昭大神要言焉若可  
 改也大國亦可叛也知武子謂獻子曰我實不德  
 而要人以盟豈禮之哉非禮何以主盟姑盟而退  
 修德息師而來終必楚鄭何必今日我之不德民  
 將棄我豈唯鄭若能体和遠人將至何恃於鄭乃  
 盟而還楚子伐鄭子駟將及楚平子孔子矯曰與  
 大國盟口血未乾而背之可乎子駟子展曰吾盟  
 固云唯彊是從今楚師至晉不我救則楚彊矣盟  
 誓之言豈敢背之且要盟無質神弗臨也所臨唯  
 信信者言之瑞也善之主也是故臨之明神不蠲



要盟背之可也乃及楚平公子罷戎入盟同盟于  
中分春秋左氏傳○孔子適衛路出於蒲會公叔氏以  
蒲叛衛而止之孔子弟子有公良儒者為人賢長  
有勇力以私車五乘從夫子行喟然曰昔吾從夫  
子遇難于匡又伐樹於宋今遇困於此命也夫與  
其見夫子仍遇於難寧我鬪死挺劍而合衆將與  
之戰蒲人懼曰苟無適衛吾則出子以盟孔子而  
出之東門孔子遂適衛子貢曰盟可負乎孔子曰  
要我以盟非義也春秋左氏傳○魯哀公會吳于橐臯對  
曰盟所以周信也故心以制之玉帛以奉之言以  
結之明神以要之寡君以為苟有盟焉弗可改也

已若猶可改日盟何益今吾子曰必尋盟若可尋  
也亦可寒也乃不尋盟春秋左氏傳○鄭伯將伐許授  
兵於大宮公孫闕與穎考叔爭車穎考叔挾鞶以  
走子都拔棘以逐之及大逵弗及子都怒秋七月  
傳于許穎考叔取鄭伯之旗發弧以先登子都自  
下射之顛鄭伯使卒出緘行出犬雞以詛射穎考  
叔者君子謂鄭莊公失政刑矣政以治民刑以正  
邪既無德政又無威刑是以及邪邪而詛之將何  
益矣春秋左氏傳  
成廟則釁之以羊門夾室皆用雞宗廟之器其名者  
成則釁之以豶豚釁廟○小子而掌珥于社稷祈于五




祀釁邦器及軍器官夏。○圉師春除蓐釁廐同。○始立  
 學者既興器用幣世文王。○天府上春釁寶鎮及寶器  
 諸官。○龜人上春釁龜上同。○月令孟冬命太史釁龜策  
 占兆審卦吉凶。○大司馬若大師帥執事涖釁主及  
 軍器官夏。○君以軍行祓社釁鼓祝奉以從春秋左氏傳。○  
 司約若有訟者則珥而辟藏官秋。○羊人凡祈珥釁積  
 共其羊牲官。○士師凡刳珥則奉犬牲官秋。○犬人凡  
 幾珥沈辜用駮官秋。○雞人凡祭祀面禳釁共其雞牲  
 諸官春。○大師掌釁祈號祝

右釁。○傳齊宣王坐於堂上有牽牛而過堂下者  
 王見之曰牛何之對曰將以釁鐘王曰舍之吾不  
 忍其觶若無罪而就死地對曰然則廢釁鐘與  
 曰何可廢也以羊易之孟

儀禮經傳續卷第二十六





儀禮經傳續卷第二十七

祭統

祭禮十一

大宗伯之職掌建邦之天神人鬼地示之禮以佐王  
 建保邦國以吉禮事邦國之鬼神示以禋祀祀昊天  
 上帝以實柴祀日月星辰以禋燎祀司中司命飊師  
 雨師以血祭祭社稷五祀五嶽以粢沈祭山林川澤  
 以鬻辜祭四方百物以肆獻裸享先王以饋食享先  
 王以祠春享先王以禴夏享先王以嘗秋享先王以  
 烝冬享先王。諸○以禮樂合天地之化百物之產以  
 事鬼神以諧萬民以致百物凡祀大神享大鬼祭大  
 示詔大號治其大禮詔相王之禮若王不與祭祀



則攝位大祭祀王后不與則攝而薦豆籩徹乃頒祀  
于邦國都家鄉邑諸○小宗伯掌四時祭祀之序事  
其禮若國大貞則奉玉帛以詔號凡祭祀詔相祭  
禮之小禮凡大禮佐大宗伯小祭祀掌事如大宗伯  
之禮同○小祝掌小祭祀凡事佐大祝大師凡外內  
小祭祀掌事焉同○女祝掌王后之內祭祀凡內禱  
祠之事天○大宰以八則治都鄙一曰祭祀以馭其  
神同○小宰以官府之六職辨邦治三曰禮職以事  
鬼神以官府之六職合邦治一曰祭祀之聯事同○  
大司徒施十有二教一曰以祀禮教敬則民不苟地  
○司隸邦有祭祀之事則設其煩蓐之事秋○小司

徒掌建邦之教灋以稽國中及四郊都鄙之大家九  
比之數與其祭祀之禁令地○閭胥各掌其閭之徵  
令凡春秋之祭祀聚衆庶既比則讀灋書其敬敏任  
恤者同○土均和邦國都鄙之政令與其禮俗祭祀  
以地媿惡為輕重之灋而行之掌其禁令同○鄙師  
各掌其鄙之祭祀同○鄭長各掌其鄭之政令以治  
其祭祀之事同○都宗人掌都祭祀之禮諸○家宗  
人掌家祭祀之禮上  
右祭禮摠要○記孟春命樂正入學習舞乃脩祭  
典朔○喪祭從先祖孟子滕○君子行禮不求變  
俗祭祀之禮居喪之服哭泣之位皆如其國之故



謹修其廢而審行之去國三世爵祿有列於朝出入有詔於國若兄弟宗族猶存則反告於宗後去國三世爵祿無列於朝出入無詔於國唯興之日從新國之廢曲禮

春祭曰祠夏祭曰禘秋祭曰嘗冬祭曰烝祭天曰燔柴祭地曰瘞瘳祭山曰廋縣祭川曰浮沈祭星曰布祭風曰磔是禩是禡師祭也既伯既禱馬祭也禘大祭也繹又祭也周曰繹商曰彤夏曰復昨兩雅

右祭名

小宗伯之職掌建國之神位右社稷左宗廟兆五帝於四郊四望四類亦如之兆山川丘陵墳衍各因其

方辨廟祧之昭穆○肆師掌兆中廟中之禁令禮○典祀掌外祀之兆守皆有域掌其禁令若以時祭祀則帥其屬而脩除徵役于司隸而役之及祭帥其屬而守其屬禁而繹之譜○凡以神仕者掌三辰之灋以猶鬼神示之居辨其名物以冬至致天神人鬼以夏日至致地示物魁以禴國之凶荒民之札喪禮○小祝有寇戎之事則保郊祀于社○都宗人若有寇戎之事則保羣神之壇

右神位○過祀則下禮

尸神象也擗特○男男尸女女尸必使異姓不使賤者禮○禮曰君子抱孫不抱子此言孫可以為王



父尸子不可以為父尸曲禮○孫為王父尸所使為尸者於祭者子行也上○為人子者祭祀不為尸禮曲

右尸○傳曾子問曰祭必有尸乎若厭祭亦可乎孔子曰祭成喪者必有尸尸必以孫孫幼則使人抱之無孫則取於同姓可也祭殤必厭蓋弗成也祭成喪而無尸是殤之也孔子曰有陰厭有陽厭曾子問曰殤不祔祭何謂陰厭陽厭孔子曰宗子為殤而死庶子弗為後也其言祭特牲祭殤不舉無所俎無玄酒不告利成是謂陰厭凡殤與無後者祭於宗子之家當室之白尊于東房是為陽厭

曾子問○記無祿者稷饋稷饋者無尸無尸者厭也

○男男尸女女尸必使異姓不使賤者○尚書大傳曰維十有三祀帝乃攝玉而入唐郊丹朱為尸

○平公祀郊董伯為尸國語○周公祀泰山召

公為尸○齊嘗于大公之廟麻嬰為尸春秋左氏傳○

裘之陽也見美也服之襲也充美也是故尸襲執

玉龜襲無事則褻弗敢充也經○君迎牲而不迎

尸經○君之所以不臣於其臣者二當其為尸則

弗臣也當其為師則弗臣也學記○為君尸者大夫

士見之則下之君知所以為尸者則自下之尸必

式乘必以凡曲禮○孔子曰尸弁冕而出卿大夫



士皆下之尸必式必有前驅贈子○酌尸之僕如君之僕其在車則左執轡右受爵祭左右執范乃飲儀○曾子問曰卿大夫將為尸於公受宿矣而有齊衰內喪則如之何孔子曰出舍於公宮以待事禮也雜記

凡以神仕者掌三辰之灋以猶鬼神示之居辨其名物以冬至致天神人鬼以夏至致地示物魁以檜國之凶荒民之札喪○司巫掌羣巫之政令○大祝掌六祝之辭以事鬼神示其福祥求永貞一日順祝二曰年祝三曰吉祝四曰化祝五曰瑞祝六曰筮祝掌六祈以同鬼神示一日類二曰造三曰檜四曰

禳五曰攻六曰說作六辭以通上下親疏遠近一日祠二曰命三曰誥四曰會五曰禱六曰誅辨六號一曰神號二曰鬼號三曰示號四曰牲號五曰齋號六曰幣號辨九祭一日命祭二曰衍祭三曰炮祭四曰周祭五曰振祭六曰擯祭七曰絕祭八曰繚祭九曰共祭辨九擯一曰稽首二曰頓首三曰空首四曰振動五曰吉擯六曰凶擯七曰奇擯八曰褒擯九曰肅擯以享右祭祀凡大禋祀肆享祭示則執明水火而號祝隨釁逆牲逆尸令鐘鼓右亦如之來瞽令臯舞相尸禮既祭令徹諸○小祝掌小祭祀將事侯禳禱祠之祝號以祈福祥順豐年逆時雨寧風旱彌戡兵



遠臯疾大祭祀逆齋盛送逆尸沃尸盥贊隋贊徹贊  
奠凡事佐大祝。○女祝掌王后之內祭祀凡內禱祠  
之事掌以時招梗禴禳之事以除疾殃。○天子出戶  
而巫覡有事出門而宗祝有事正論。○宗祝辨乎宗  
廟之禮故後尸樂記

右巫祝。○傳人而無恒不可以作巫醫。○楚昭  
王問於觀射父曰周書所謂重黎實使天地不通  
者何也若無然民將能登天乎對曰非此之謂也  
古者民神不雜民之精爽不惱貳者而又能齊肅  
衷正其智能上下比義其聖能光遠宣朗其明能  
光照之其聰能聽徹之如是則明神降之在男曰

覡在女曰巫是使制神之處位次主而為之牲器  
時服而後使先聖之後之有光烈而能知山川之  
號高祖之主宗廟之事昭穆之世齊敬之勤禮節  
之宜威儀之則容貌之崇忠信之質禋潔之服而  
敬恭明神者以為之祝使名姓之後能知四時之  
生犧牲之物玉帛之類采服之儀彝器之量次主  
之度屏攝之位壇場之所上下之神氏姓之出而  
心率舊典者為之宗於是乎有天地神民類物之  
官謂之五官各司其序不相亂也民是以能有忠  
信神是以能有明德民神異業敬而不瀆故神降  
之嘉生民以物享禍災不至求用不匱及少皞之



衰也九黎亂德民神雜揉不可方物夫人作享冢  
 為巫史無有要質民墮乎祀而不知其福烝享無  
 度民神同位民瀆齊盟無有嚴威神仰民則不蠲  
 其為嘉生不降無物以享禍災荐臻莫盡其氣顯  
 頊受之乃命南正重司天以屬神命火正黎司地  
 以屬民使復舊常無相浸瀆是謂絕地天通其後  
 三苗復九黎之德復育重黎之後不忘舊者使  
 復典之以至于夏商故重黎氏世叙天地而別其  
 分主者也其在周程伯休父其後也當宣王時失  
 其官守而為司馬氏寵神其祖以取威于民曰重  
 實上天黎實下地遭世之亂而莫之能禦也不然

夫天地成而不變何比之有楚辭○劉文公合諸  
 侯于召陵將會衛靈公使祝佗從辭曰臣辰四體  
 以率舊職猶懼不給而煩刑書若又其二微大罪  
 也且夫祝社稷之常隸也社稷不動祝不出竟官  
 之制也君以軍行被社鼙鼓祝奉以從於是乎出  
 竟若嘉好之事君行師從卿行旅從臣無事焉從  
 左氏傳春秋○凡執技以事上者祝史射御醫卜及  
 百工凡執技以事上者不貳事不移官出鄉不與

士齒制

凡祀啓蟄而郊龍見而雩始殺而嘗閉蟄而烝過則  
 書春秋左○箬人凡國之大事先箬而後卜諸○大



史大祭祀與執事十日同○龜人若有祭祀則奉龜  
以往旅亦如之上同○大卜大祭祀則眡高命龜上同○  
肆師凡祭祀之卜日宿為期詔相其禮眡滌濯亦如  
之上同○夏后氏尚黑大事用昏殷人尚白大事用日  
中周人尚赤大事用日出上同

右時日卜筮○孟獻子曰正月日至可以有事於  
上帝七月日至可以有事於祖七月而禘獻子為  
之也下雜記○子言之昔三代明王皆事天地之神  
明無非卜筮之用不敢以其私褻事上帝是故不  
犯日月不違卜筮卜筮不相襲也大事有時日小  
事無時日有筮外事用剛日內事用柔日不違龜

筮子曰牲牲禮樂齊盛是以無害乎鬼神無怨乎  
百姓表○凡卜筮日旬之外曰遠某日旬之內曰  
近某日喪事先遠日吉事先近日曰為日假爾泰  
龜有常假爾泰筮有常卜筮不過三卜筮不相襲  
龜為卜筮為筮者先聖王之所以使民信時日敬  
鬼神畏灋令也所以使民決嫌疑定猶與也故曰  
疑而筮之則弗非也日而行事則必踐之上曲禮○  
子路為季氏宰季氏祭逮闇而祭日不足繼之以  
燭雖有強力之容肅敬之心皆倦怠矣有司跛倚  
以臨祭其為不敬大矣他日祭子路與室事交乎  
戶堂事交乎階質明而始行事晏朝而退孔子問



之曰誰謂由也而不知禮乎禮

天子將祭必先習射於澤澤者所以擇士也已射於澤而后射於射宮射中者得與於祭不中者不得與於祭不得與於祭者有讓削以地得與於祭者有慶益以地進爵紕地是也○古者天子之制諸侯歲獻貢士於天子天子試之於射宮其容體比於禮其節不比於樂而中多者得與於祭其容體不比於禮其節不比於樂而中少者不得與於祭數與於祭而君有慶數不與於祭而君有讓數有慶而益地數有讓而削地

右擇士

小宰以灋掌祭祀之戒具既○宰夫以式灋掌祭祀之戒具與其薦羞既○司士凡祭祀掌士之戒令詔相其灋事讀○太史大祭祀戒及宿之旦與羣執事讀禮書而協事讀○遂師凡國祭祀審其誓戒既○條狼氏凡誓執鞭以趨於前且命之誓大夫曰敢不關鞭五百誓師曰三百誓邦之大史曰殺誓小史曰墨既

右戒具

王即齋宮百官御事各即其齋三日王乃溲濯饗醴及期鬱人薦鬯犧人薦醴王裸鬯饗醴乃行既○膳夫王齊日三舉○王府王齊則共食玉既○宰人



凡王之齊事共其拒宅饋○齊必有明衣布必有寢  
衣長一身有半○齊必變食居必遷坐論語○玄冠  
丹組纓諸侯之齊冠也玄冠綦組纓士之齊冠也○  
周弁殷皐夏收鄭特○齊則績結佩而爵鞞王○司  
服齊服有玄端素端○君羔臂虎植大夫齊車鹿臂  
豹植朝車士齊車鹿臂豹植王○齊者不樂不弔曲  
上○君子非致齊也非疾也不晝夜居於內禮  
右齊○傳齊之為言齊也齊不齊以致齊者也是  
故君子非有大事也非有恭敬也則不齊不齊則  
於物無防也嗜欲無止也及其將齊也防其邪物  
訖其嗜欲耳不聽樂心不苟慮必依於道手足不

苟動必依於禮專致其精明之德也故散齊七日  
以定之致齊三日以齊之經○子之所慎齊戰疾  
論語○季栢子將祭齊三日而二日鐘鼓之音不  
絕冉有問於孔子子曰孝子之祭也散齊七日慎  
思其事三日致齊而一用之猶恐其不敬也而二  
日伐鼓何居焉家語○七日戒三日宿慎之至也  
禮○孟子曰雖有惡人齊戒沐浴則可以事上帝  
離婁○莊子曰不飲酒不茹葷○祭祀之齊也○  
荀子曰端衣玄裳繞而乘路志不在於食董  
○齊之玄也以陰幽思也鄭特○昏禮玄冕齊戒  
鬼神陰陽也鄭特○大古冠布齊則緇之其綏也



孔子曰吾未之聞也特

鄉士大祭祀則各掌其鄉之禁令帥其屬夾道而蹕

秋○野廬氏凡國之大事比脩除道路者掌凡道禁

上○蜡氏凡國之大祭祀令州里除不蠲禁刑者任

人及凶服者以及郊野上○銜枚氏國之大祭祀令

禁無囂上○射鳥氏祭祀以弓矢歐鳥鳶上

右禁令

雞人大祭祀夜嘒旦以嘒百官凡國事為期則告之

時上○巾車大祭祀鳴鈴以應雞人上○小宗伯祭

之日告時于王告備于王上

右嘒旦為期

小宗伯大祭祀省牲祗滌濯祭之日逆齋省鑊告時

于王告備于王上○宰夫從大宰而祗滌濯上○肆

師祗滌濯詔相其禮祭之日表案盛告案展器陳告

備上

右省視

侍巾車王之五路一曰玉路錫樊纓十有再就建大

常十有二旒以祀上○典路掌王及后之五路下其

名物與其用說若有大祭祀則出路贊駕說上○校

人凡大祭祀毛馬而頒之上○司常日月為常交龍

為旂通帛為旌雜帛為物王建大常諸侯建旂孤卿

建旌大夫士建物凡祭祀各建其旗上○節服氏掌



祭祀衮冕六人維王之常諸侯則四人其服事如  
之頤○大馭掌馭玉路以祀及祀馭王自左馭馭下  
祝登受轡犯軼遂驅之及祭酌僕僕左執轡右祭兩  
軼祭執乃飲凡馭路行以肆夏趨以采齊凡馭路儀  
以鸞和為節頤○旅賁氏掌執戈盾夾王車而趨左  
八人右八人車止則持輪凡祭祀則服而趨頤○齊  
右掌祭祀前齊車王乘則持馬行則陪乘凡有牲事  
則前馬頤

右出路

師氏凡祭祀王舉則從使其屬帥四夷之隸各以其  
兵服守王之門外且蹕頤○保氏凡祭祀王舉則從  
使其屬守王闈頤○大僕祭祀正王之服位詔灋儀  
王出入則自左馭而前驅頤○小臣大祭祀沃盥  
小祭祀掌事如大僕之灋頤○御僕大祭祀相盥而  
登頤○大祝辨九擗一曰稽首二曰頓首三曰空首  
四曰振動五曰吉擗六曰凶擗七曰奇擗八曰褒擗  
九曰肅擗以享右祭祀頤○小宰凡祭祀贊玉幣爵  
之事頤○射人祭祀相孤卿大夫之灋儀頤○司士  
凡祭祀掌士之戒令詔相其灋事頤○肆師祭之日  
相治小禮誅其慢怠者凡祭祀禮成則告事畢頤○  
大史大祭祀祭之日執書以次位常辨事者攷焉不  
信者誅之頤



右臨祭○記凡祭於室中堂上無跣燕則有之儻  
保氏教國子六儀一曰祭祀之容○祭祀之美齊齊  
皇皇儻○祭祀之志諭然思以和祭祀之容遂遂然  
粥粥然敬以婉祭祀之視視如有將祭祀之言文言  
有序贊經○臨祭不惰曲禮○祭事不言凶曲禮○  
凡祭容貌顏色如見所祭者燕

右容貌○記祭如在祭神如神在子曰吾不與祭  
如不祭論語○仲尼嘗奉薦而進其親也愬其行  
也趨趨以數已祭子贛問曰子之言祭濟濟漆漆  
然今子之祭無濟濟漆漆何也子曰濟濟者容也  
遠也漆漆者容也自反也容以遠若容以自反也

夫何神明之及交夫何濟濟漆漆之有乎反饋樂  
成薦其薦俎序其禮樂備其百官君子致其濟濟  
漆漆夫何恍惚之有乎夫言豈一端而已夫各有  
所當也祭義

小禘大祭祀逆尸沃尸盥贊隨諸○舉舉角詔安尸  
祭義及○其有折俎者取祭反之不坐燔亦如之尸  
則坐儻○大祝辨九祭一曰命祭二曰行祭三曰炮  
祭四曰周祭五曰振祭六曰擣祭七曰絕祭八曰繚  
祭九曰共祭諸○君與尸行接武大夫繼武士中武  
徐趨皆用是王

右尸出受祭○傳古者尸無事則立有事而后坐



也掛特○三代之禮一也民共由之或素或青夏造殷因周坐尸詔備武方其禮亦然其道一也夏立尸而卒祭殷坐尸周旅酬六尸曾子曰周禮其猶醪與禮

郊血大饗腥三獻爛一獻孰掛特○一獻質三獻文五獻察七獻神黜○尸飲五君洗玉爵獻卿尸飲七以瑤爵獻大夫尸飲九以散爵獻士及羣有司皆以齒

右獻數

大祝掌六祝之辭以事鬼神祈福祥求永貞一曰順祝二曰年祝三曰吉祝四曰化祝五曰瑞祝六曰

筴祝作六辭以遞上下親疏遠近一曰祠二曰命三曰誥四曰會五曰禱六曰誅辨六號一曰神號二曰鬼號三曰示號四曰牲號五曰盥號六曰幣號諸○君天下曰天子踐阼臨祭祀內事曰孝子某外事曰嗣王某曲禮○諸侯臨祭祀內事曰孝子某侯某外事曰曾孫某侯某曲禮○祭稱孝子孝孫喪稱哀子哀孫禮記○祭王父曰皇祖考王母曰皇祖妣父曰皇考母曰皇妣夫曰皇辟曲禮○凡祭宗廟之禮牛曰一元大武豕曰剛鬣豚曰膾肥羊曰柔毛雞曰翰音犬曰羹獻雉曰疏趾兔曰明視脯曰尹祭橐魚曰商祭鮮魚曰臠祭水曰清滌酒曰清酌黍曰鄉合梁



曰薌其稷曰明粢稻曰嘉蔬韭曰豐本鹽曰鹹醴玉  
曰嘉玉幣曰量幣禮

右祝號○記凡祭不諱廟中不諱軒○后稷之祀

易富也其辭恭其欲儉其祿及子孫詩曰后稷北

祀庶無罪悔以迄于今記○隋季梁曰夫民神之

王也是以聖王先成民而後致力於神故奉牲以

告曰博碩肥腍謂民力之善存也謂其畜之碩大

蕃滋也謂其不疾疫蠹也謂其備腍咸有也奉盛

以告曰絜粢豐盛謂其三時不害而民和年豐也

奉酒醴以告曰嘉粟有酒謂其上下皆有嘉德而

無違心也所謂馨香無諛慝也故務其三時脩其

五教親其九族以致其禋祀於是乎民和而神降

之福春秋左○楚子木問於趙孟曰范武子之德

何如對曰夫子之家事治言於晉國無隱情其祝

史陳信於鬼神無愧辭子木歸以語王曰尚矣哉

能款神人宜其光輔五君以為盟主也春秋左

鬱人大祭祀與量人受舉學之卒爵而飲之禮○量

人凡宰祭與鬱人受舉歷而皆飲之禮

右受爵

肆師嘗之日涖卜來歲之芟禰之日涖卜來歲之戒

社之日涖卜來歲之稼禮

右預卜



膳夫凡王祭祀則徹王之胾俎天○小祝大祭祀執其  
徹饋○小子祭祀受徹饋○凡祭於公者必自徹其

俎曲禮

右徹  
小祝大祭祀送尸饋

右送尸

大宗伯以賑膳之禮親兄弟之國饋○大行人歸賑  
以交諸侯之福饋○都宗人掌都祭祀之禮凡都祭  
祀致福于國饋○家宗人掌家祭祀之禮凡祭祀致  
福同○為人祭曰致福為已祭而致膳於君子曰膳  
祔練曰告凡膳告於君子主人展之以授使者于阼

階之南南面再拜稽首送反命主人又再拜稽首其  
禮大牢則以牛左肩臂臠拆九箇少牢則以羊左肩  
七箇植豕則以豕左肩五箇少○祭僕凡祭祀致福  
者展而受之饋○膳夫凡祭祀之致福者受而膳之  
天

右致福○傳定公十四年天王使石尚來歸賑賑  
者何也俎實也祭肉也生曰賑熟曰膳其辭石尚  
士也何以知其士也天子之大夫不名石尚欲書  
春秋諫曰久矣周之不行禮於魯也請行賑貴復  
正也轍梁○僖公九年夏會于葵丘王使宰孔賜  
齊侯胾曰天子有事于文武使孔賜伯舅胾齊侯



將下拜孔曰且有後命天子使孔曰以伯舅耄老  
 加勞賜一級無下拜對曰天威不遠顏咫尺小白  
 余敢貪天子之命無下拜恐隕越于下以遺天子  
 羞敢不下拜下拜登受春秋左氏傳○宋成公如楚還  
 入於鄭鄭伯將享之問禮於皇武子對曰宋先代  
 之後也於周為客天子有事膳焉有喪拜焉豐厚  
 可也春秋左氏傳○子產曰孔張君之昆孫子孔之後  
 也執政之嗣也為嗣大夫承命以使周於諸侯國  
 人所尊諸侯所知立於朝而祀於家有祿於國有  
 賦於軍喪祭有職受脤歸脤其祭在廟已有著位  
春秋左氏傳○孔子為魯司寇不用從而祭燔肉不至

不稅冕而行不知者以為為肉也其知者以為為  
 無禮也古子○祭於公不宿肉祭肉不出三日出  
 三日不食之矣○朋友之饋雖車馬非祭肉不拜

論語鄉黨

司巫凡祭事守瘞春

右守瘞

大宗伯若王不與祭祀則攝位凡大祭祀王后不與  
 則攝而薦豆籩徹春○祭僕掌受命于王以眡祭祀  
 而警戒祭祀有司糾百官之戒具既祭帥羣有司而  
 反命以王命勞之誅其不敬者凡祭祀王之所不與  
 則賜之禽都家亦如之官



右不與祭。○傳君子之祭也必身親。泣之有故則使人可也。論語。○孔子曰吾不與祭如不祭。八論語

祭過時不祭。○曾子問曰天子嘗禘郊社五祀之祭

簠簋既陳天子崩后之喪如之何。孔子曰廢。曾子問

曰當祭而日食大廟火其祭也如之何。孔子曰接祭

而已矣。如牲至未殺則廢。○天子崩未殯五祀之祭

不行既殯而祭其祭也尸入三飯不侑醕不酢而已

矣。自啓至于反哭五祀之祭不行已葬而祭祝獻畢

而已。曾子問。○喪三年不祭唯祭天地社稷為越紼而

行事。王制。○曾子問曰諸侯之祭社稷俎豆既陳聞天

子崩后之喪君薨夫人之喪如之何。孔子曰廢自薨

比至于殯自啓至于反哭奉帥天子。○曾子問曰大

夫之祭鼎俎既陳豆既設不得成禮廢者幾。孔子

曰九。請問之曰天子崩后之喪君薨夫人之喪君之

大廟火日食三年之喪齊衰大功皆廢外妻自齊以

下行也。其齊衰之祭也尸入三飯不侑醕不酢而已

矣。大功葬而已矣。小功緦室中之事而已矣。士之所

以異者緦不祭。所祭於死者無服則祭。曾子問。○大夫

士將與祭於公既視濯而父母死則猶是與祭也。次

於異官既祭釋服出公門外哭而歸其他如奔喪之

禮如未視濯則使人告告者反而后哭如諸父昆弟

姑姊妹之喪則既宿則與祭卒事出公門擇服而后



歸其他如奔喪之禮如同宮則次于異宮雜記

右廢祭○傳宣公八年夏六月辛巳有事于大廟

仲遂卒于垂壬午猶繹萬入去籥左氏曰有事于

大廟襄仲卒而繹非禮也○子由見其故以問孔

子曰禮與孔子曰非禮也卿卒不繹○穀梁子曰

仲遂卒于垂為若反命而後卒也此公子也其曰

仲何也疏之也何為疏之也是不卒者也不疏則

無用見其不卒也則其卒之何也以譏乎宣也其

譏乎宣何也聞大夫之喪則去樂卒事壬午猶繹

猶者可以已之辭也繹者祭之且日之享賓也萬

入去籥以其為之變譏之也○公羊子曰萬千舞

也籥者何籥舞也其言萬入去籥何去其有聲者

廢其無聲者存其心焉爾存其心焉爾者何知其

不可而為之也猶者何通可以已也春秋左氏傳

梁傳○昭公十五年二月癸酉有事於武宮籥入

通修叔弓卒去樂卒事左氏曰禘叔弓往事籥入而卒

去樂卒事禮也○穀梁子曰君在祭樂之中聞大

夫之喪則去樂卒事禮也君在祭樂之中大夫有

變以聞可乎大夫國體也古之人重死君命無所

不通○公羊子曰其言去樂卒事何禮也君有事

于廟聞大夫之喪去樂卒事大夫聞君之喪攝主

而往大夫聞大夫之喪尸事畢而往春秋左氏公



儀禮經傳續卷第二十七  
信○衛有大史曰柳莊寢疾公曰若疾革雖當祭必告公再拜稽首請於尸曰有臣柳莊也者非寡人之臣社稷之臣之聞之死請往不釋服而往遂以綖之與之邑表氏與縣潘氏書而納諸棺曰世世萬子孫毋變也禮弓○公父文伯之母季康子之從祖叔母也康子往焉闔門與之言皆不踰闕祭悼子康子與焉酢不受祿俎不宴宗不具不繹繹不盡飫則返仲尼聞之以為別於男女之禮矣

魯國語

儀禮經傳續卷第二十八

祭物

祭禮十二

肆師之職掌立國祀之禮以佐大宗伯立大祀用玉帛牲牲立次祀用牲幣立小祀用牲以歲時序其祭祀及其祈珥諸○小宗伯掌五禮之禁令與其用等辨吉凶之五服車旗宮室之禁詞○圭璧金璋不粥於市命服命車不粥於市宗廟之器不粥於市犧牲不粥於市制○大宰以九式均節財用一曰祭祀之式以九貢致邦國之用一曰祀貢三曰器貢七曰服貢○大行人侯服歲壹見其貢祀物男服三歲壹見其貢器物采服四歲壹見其貢服物○季秋合



諸侯制百縣為來歲受朔日與諸侯所稅於民輕重之法貢職之數以遠近土地所宜為度以給郊廟之事無有所私朝○大府凡頒財以式灋授之邦都之賦以待祭祀天○小宰以灋掌祭祀之戒具令百官府共其財用治其施舍聽其治訟○外府凡祭祀共其財用之幣齋賜予之財用○冢宰制國用必於歲之杪量入以為出祭用數之勑喪用三年之勑喪祭用不足曰暴有餘曰濫祭豐年不奢凶年不儉莊○大饗不問卜不饒富曲禮○泉府凡賒者祭祀無過旬日地

右祭用總要○傳孟子曰禮曰諸侯耕助以共粢

盛夫人蠶繅以為衣服犧牲不成粢盛不潔衣服不備不敢以祭惟士無田則亦不祭牲殺器皿衣服不備不敢以祭則不敢以宴禮記○穆王將征犬戎祭公謀父諫曰先王之制邦內甸服邦外侯服侯衛賓服蠻夷要服戎翟荒服甸服者祭侯服者祀賓服者享要服者貢荒服者王日祭月祀時享歲貢終王先王之訓也有不祭則修意有不祀則修言有不享則修文有不貢則修名有不王則修德序成而有不至則修刑於是乎有刑不祭伐不祀征不享讓不貢告不王於是乎有刑罰之辟有攻伐之兵有征討之備有威讓之令有文告之



辭今自大畢伯仕之終也犬戎氏以其職來王天

子曰予必以不享征之且觀之兵其無乃廢先王

之訓而王幾頓乎周國語○齊桓公伐楚曰爾貢包

茅不入王祭不共無以縮酒寡人是徵春秋左傳

內宰中春詔后帥外內命婦始蠶于北郊以為祭服

歲終則會內人之稍食稽其功事佐后而受獻功者

比其小大與其麤良而賞罰之既○季春后妃齊戒

親東鄉躬桑禁婦女毋觀省婦使以勸蠶事蠶事既

登分繭稱絲效功以共郊廟之服無有敢惰既○孟

夏蠶事畢后妃獻繭乃收繭稅以桑為均貴賤長幼

如一以給郊廟之服○季夏命婦官染采黼黻文章

必以灋故無或差貸黑黃蒼赤莫不質良毋敢詐偽

以給郊廟祭祀之服既○典絲凡祭祀共黼畫組就

之物既○司服掌王之吉凶衣服辨其名物與其用

事王之吉服祀昊天上帝則服大裘而冕祀五帝亦

如之享先王則袞冕享先公饗射則鷩冕祀四望山

川則毳冕祭社稷五祀則希冕祭羣小祀則玄冕公

之服自袞冕而下如王之服侯伯之服自鷩冕而下

如公之服子男之服自毳冕而下如侯伯之服孤之

服自希冕而下如子男之服卿大夫之服自玄冕而

下如孤之服其凶服加以大功小功士之服自皮弁

而下如大夫之服其凶服亦如之其齊服則玄端素



端凡大祭祀共其衣服而奉之饔○屨人掌王及后之服屨為赤舄黑舄赤纁黃纁青舄素屨葛屨辨外內命夫命婦之命屨功屨散屨凡四時之祭祀以宜服之飫○天子玉藻十有二旒前後邃延龍卷以祭玄端而朝日於東門之外聽朝於南門之外○諸侯玄端以祭皮弁以聽朝於大廟王○大夫冕而祭於公弁而祭於已士弁而祭於公冠而祭於已士弁而親迎然則士弁而祭於已可也雜記○有虞氏皇而祭深衣而養老夏后氏收而祭燕衣而養老殷人哂而祭縞衣而養老周人冕而祭玄衣而養老王制○有虞氏服韍夏后氏山殷火周龍章明堂位○鄉師正歲

稽其鄉器比共吉凶二服記

右祭服○記古者天子諸侯必有公桑蠶室近川而為之築宮仞有三尺棘牆而外閉之及大昕之朝君皮弁素積卜三宮之夫人世婦之吉者使入蠶于蠶室奉種浴于川桑于公桑風戾以食之歲既單矣世婦卒蠶奉繭以示于君遂獻繭于夫人夫人曰此所以為君服與遂副禕而受之因少牢以禮之古之獻繭者其率用此與及良日夫人纁三盆手遂希于三宮夫人世婦之吉者使纁遂朱綠之玄黃之以為黼黻文章服既成君服以祀先王先公敬之至也義經○王后蠶於北郊以共純服



夫人蠶於北郊以共冕服繅○一命緼韞幽衡再命赤韞幽衡三命赤韞葱衡玉○周弁殷哱夏收擗特○公父文伯退朝朝其母其母方績文伯曰以歎之家而主猶績懼于季孫之怒也其母曰王后親織玄統公侯之夫人加之以紘綖卿之內子為大帶命婦成祭服列士之妻加之以朝服自庶士以下皆衣其夫社而賦事烝而獻功男女效績愆則有辟古之制也國語  
孟冬命工師效功陳祭器案度程母或作為淫巧以湯上心必功致為上物勒工名以考其誠功有不當必行其罪以窮其情頌○典瑞大祭祀共其玉器而

奉之誅○司巫祭祀則共匱主及道布及菹館坰○掌蜃祭祀共蜃器之蜃池○凌人祭祀共冰鑑天○伊耆氏掌國之大祭祀共其杖咸池○鄉師正歲稽其鄉器比共吉凶二服閭共祭器鄉共吉凶禮樂之器地○大夫祭器不假祭器未成不造燕器辨○大夫士去國祭器不踰竟大夫寓祭器於大夫士寓祭器於士曲禮○君子雖貧不粥祭器雖寒不衣祭服為宮室不斬於丘木曲禮○君子敬則用祭器表○祭服敝則焚之祭器敝則埋之龜策敝則埋之牲死則埋之曲禮  
右祭器○記凡家造祭器為先犧賦為次養器為



後無田祿者不設祭器有田祿者先為祭服曲禮

○大夫具官祭器不假聲樂皆具非禮也禮○泰

有虞氏之尊也山壘夏后氏之尊也著殷尊也犧

象周尊也爵夏后氏以琖殷以斝周以爵灌尊夏

后氏以雞夷殷以斝周以黃目其勺夏后氏以龍

勺殷以疏勺周以蒲勺有虞氏之兩敦夏后氏之

四璉殷之六瑚周之八簋俎有虞氏以椀夏后氏

以蕨殷以楫周以房俎夏后氏以楛豆殷玉豆周

獻豆明堂○圭璧金璋不粥於市宗廟之器不粥

於市註

大胥凡祭祀之用樂者以鼓徵學士序宮中之事禮

○典庸器掌藏樂器及祭祀則帥其屬而設筭禮

○大司樂以六律六同五聲八音六舞大合樂以致

鬼神示以和邦國以諧萬民以安賓客以說遠人以

作動物乃分樂而序之以祭以享以祀乃奏黃鐘歌

大呂舞雲門以祀天神乃奏太簇歌應鐘舞咸池以

祭地示乃奏姑洗歌南呂舞大磬以祀四望乃奏蕤

賓歌函鐘舞大夏以祭山川乃奏夷則歌小呂舞大

濩以享先妣乃奏無射歌夾鐘舞大武以享先祖凡

六樂者文之以五聲播之以八音凡六樂者一變而

致羽物及川澤之示再變而致羸物及山林之示三

變而致鱗物及丘陵之示四變而致毛物及墳衍之



示五變而致介物及土示六變而致象物及天神凡  
 樂圜鐘為宮黃鐘為角太簇為徵姑洗為羽雷鼓雷  
 鼗孤竹之管雲和之琴瑟雲門之舞冬日至於地上  
 之圜丘奏之若樂六變則天神皆降可得而禮矣凡  
 樂函鐘為宮大簇為角姑洗為徵南呂為羽靈鼓靈  
 鼗孫竹之管空桑之琴瑟咸池之舞夏日至於澤中  
 之方丘奏之若樂八變則地示皆出可得而禮矣凡  
 樂黃鐘為宮大呂為角大簇為徵應鐘為羽路鼓路  
 鼗陰竹之管龍門之琴瑟九德之歌九磬之舞於宗  
 廟之中奏之若樂九變則人鬼可得而禮矣凡樂事  
 大祭祀宿縣遂以聲展之王出入則令奏王夏尸出

入則令奏肆夏牲出入則令奏昭夏帥國子而舞  
 同○鐘師凡祭祀奏燕樂同○鑄師掌金奏之鼓凡祭  
 祀鼓其金奏之樂同○笙師凡祭祀共其鐘笙之樂  
 同○磬師教縵樂之鐘磬凡祭祀奏縵樂同○大師  
 大祭祀帥瞽登歌令奏擊拊下管播樂器令奏鼓鞀  
 同○小師大祭祀登歌擊拊下管擊應鼓徹歌凡小  
 祭祀小樂事鼓鞀同○樂師凡國之小事用樂者令  
 奏鐘鼓凡樂成則告備詔來瞽臯舞及徹帥學士而  
 歌徹令相同○籥師祭祀則鼓羽籥之舞同○司干  
 掌舞器祭祀舞者既陳則授舞器既舞則受之同○  
 司兵祭祀授舞者兵饗○司戈盾掌戈盾之物而頒



之祭祀授旅賁及故士戈盾授舞者兵亦如之頤○  
旄人掌教舞散樂舞夷樂凡四方之以舞仕者屬焉  
凡祭祀舞其燕樂譜○韎師掌教韎樂祭祀則帥其  
屬而舞之同○舞師掌教兵舞帥而山川之祭祀教  
帔舞帥而舞社稷之祭祀教羽舞帥而舞四方之祭  
祀教皇舞帥而舞旱暵之事凡野舞則皆教之凡小  
祭祀則不興舞詘○鞀鞀氏掌四夷之樂與其聲歌  
祭祀則斂而歌之譜

右樂舞

司烜氏掌以夫遂取明火於日以鑿取明水於月以  
共祭祀之明盥明燭共明水詘○酒人掌為五齊三  
酒祭祀則共奉之以役世婦凡祭祀共酒以往詘○  
酒正掌酒之政令以式灋授酒材凡為公酒者亦如  
之辨五齊之名一曰泛齊二曰醴齊三曰盎齊四曰  
緹齊五曰沈齊辨三酒之物一曰事酒二曰昔酒三  
曰清酒凡祭祀以灋共五齊三酒以實八尊大祭二  
貳中祭再貳小祭壹貳皆有酌數唯齊酒不貳皆有  
器量同○小宗伯辨六彝之名物以待果將辨六尊  
之名物以待祭祀春○司尊彝掌六尊六彝之位詔  
其酌辨其用與其實凡六彝六尊之酌鬱齊獻酌醴  
齊縮酌盎齊沈酌凡酒脩酌同○冪人掌共巾冪祭  
祀以疏布巾冪八尊以畫布巾冪六彝天○鬯人掌



共秬鬯而飾之凡祭祀社壇用大壘崇門用瓢齋廟  
用脩凡山川四方用蜃凡裸事用概凡鬻事用散官

○小祝大祭祀贊奠上同

右酒齊尊辨○記夏后氏尚明水殷尚醴周尚酒

明堂○祭齊加明水報陰也明水浼齊貴新也凡

浼新之也其謂之明水也由主人之絜著此水也

○縮酌用茅明酌也醖酒浼于清汁獻浼于醖酒

猶明清與醖酒于舊澤之酒也鄉特

天子以犧牛諸侯以肥牛大夫以索牛士以羊豕禮曲

下○天子社稷皆太牢諸侯社稷皆少牢大夫士宗

廟之祭有田則祭無田則薦庶人春薦韭夏薦麥秋

薦黍冬薦稻韭以卯麥以魚黍以豚稻以鴈祭天地

之牛角繭栗宗廟之牛角握賓客之牛角尺諸侯無

故不殺牛大夫無故不殺羊士無故不殺犬豕庶人

無故不食殄庶羞不踰牲燕衣不踰祭服寢不踰廟

辨○夏后氏尚黑牲用玄殷人尚白周人尚赤牲用

騂檀弓○季夏命四監大合百縣之秩芻以養犧牲

令民無不成出其力以共皇天上帝名山大川四方

之神以祠宗廟社稷之靈以為民祈福○季冬乃命

大史次諸侯之列賦之犧牲以共皇天上帝社稷之

饗乃命同姓之邦共寢廟之芻黍命宰歷卿大夫至

于庶民土田之數而賦犧牲以共山林名川之祀凡



在天下九州之民者無不成獻其力以共皇天上帝  
社稷寢廟山林名川之祀仲秋乃命宰祝循行  
犧牲視全具案芻豢瞻肥瘠察物色必比類量大小  
視長短皆中度五者備當上帝其饗仲春祀不用  
犧牲用圭璧更皮幣翎梓入宗廟之事脂者膏者  
以為牲餼遂人凡國祭祀共野牲餼遂師凡國  
祭祀共其野牲同牧人掌牧六牲而阜蕃其物以  
共祭祀之牲拴凡陽祀用騂牲毛之陰祀用黝牲毛  
之望祀各以其方之色牲毛之凡時祀之牲必用拴  
物凡外祭毀事用羗可也凡祭祀共其犧牲以授充  
人繫之凡牲不繫者共奉之餼羊人若牧人無牲

則受布于司馬使其賈買牲而共之頤牛人凡祭  
祀共其享牛求牛以授職人而芻之凡祭祀共其牛  
牲之五與其益祭以待事餼肆師大祭祀展犧牲  
繫于牢頒于職人餼充人掌繫祭祀之牲拴祀五  
帝則繫于牢芻之三月享先王亦如之凡散祭祀之  
牲繫于國門使養之展牲則告拴頤牲則贊餼司  
門祭祀之牛牲繫焉監門養之凡歲時之門受其餘  
同槁人掌豢祭祀之犬同犬人掌犬牲凡祭祀  
共犬牲用拴物伏瘞亦如之凡幾珥沈辜用駮可也  
獸同雞人掌共雞牲辨其物凡祭祀面禳釁共其雞  
牲餼小宗伯毛六牲辨其名物而頒之于五官使



共奉之。○大祭祀省牲，眡滌濯祭之日，逆盥省，饗告時于王，告備于王。○封人凡祭祀，飾其牛牲，設其楅衡，置其綉，共其水，橐歌舞牲，及毛炮之豚。○羊人掌羊牲，凡祭祀，飾羔。○司弓矢，凡祭祀，共射牲之弓矢。○射人祭祀，則贊射牲。○大僕贊王牲事。○小臣小祭祀，掌事如大僕之法。○司士帥其屬而割牲，羞豆。○外饗掌外祭祀之割烹，共其脯脩刑臠陳，其鼎俎實之牲體魚腊。○鄉師大祭祀，羞牛牲。○大司徒祀五帝，奉牛牲，羞其肆享。先王亦如之。○小師徒凡小祭祀，奉牛牲，羞其肆。○羊人祭祀，割羊牲，登其首。○小子掌祭祀，羞

羊肆，羊殽肉豆。○大司寇大祭祀，奉犬牲。○小司寇小祭祀，奉犬牲。○諸子大祭祀，正六牲之體。○大司馬大祭祀，羞牲，魚授其祭。○小司馬小祭祀，掌其事，如大司馬之法。

右犧牲。傳聖人為天地主，為山川主，為鬼神主，為宗廟主，序五牲之先後，貴賤諸侯之祭，牛曰大牢，大夫之祭，牲羊曰少牢，士之祭，牲特豕曰饋食，無祿者，稷饋，稷饋者，無尸，無尸者，厭也。宗廟曰芻豢，山川曰犧，牲割列，穰瘞是有五牲。○郊特牲而社稷，大牢牲，孕祭，帝弗用。○古者天子諸侯必有養獸之官，及歲時齊戒沐浴，而躬朝之犧牲。



祭牲必於是取之敬之至也君召牛紳而視之擇其毛而卜之吉然後養之君皮弁素積朔月月半君巡牲所以致力孝之至也經○上牲損則用下牲下牲損則祭不備物以其舛之為不樂也經子期祀平王祭以牛俎於王王問於觀射父曰祀牲何及對曰祀加於舉天子舉以大牢祀以會諸侯舉以特牛祀以大牢卿舉以少牢祀以特牛大夫舉以特牲祀以少牢士食魚炙祀以特牲庶人食菜祀以魚上下有序則民不慢王曰其小大何如對曰郊禘不過鴈栗烝嘗不過芑擗王曰何其小也對曰天神以精明臨民者也故求備物不求

之祀也以一純二精三牲四時五色六律七事八種九祭十日十二辰以致之百姓千品萬官億醜兆民經入咳數以奉之明德以昭之齎聲以聽之以告徧至則無不受休毛以示物血以告殺援誠拔取以獻其為齊敬也敬不可以久民力不堪故齊肅以承之王曰芻豢幾何對曰遠不過三月近不過浹日楚語○子謂仲弓曰犂牛之子駢且角雖欲勿用山川其舍諸經也○公羊子曰魯祭周公何以為牲周公用白牲魯公用騂桐群公不毛文公十有○天子禘郊之事必自射其牲王后必自舂其粢諸侯宗廟之事必自射其牛割羊



繫豕夫人必自舂其盛天子親舂掃郊之盛王后

親繰其服

國語

○掃郊之事則有全烝

國語

○犧牲不粥於市○宋公使邾文公用鄫于于次

睢之社欲以屬東夷司馬子魚曰古者六畜不相

為用小事不用大牲而况敢用人乎祭祀以為人

也民神之主也用人其誰饗之

春秋左氏傳九年

○魯公索氏將祭而亡其牲孔子聞之曰公索氏不

及二年將亡後一年而亡門人問曰昔公索氏亡

其祭牲而夫子曰不及二年必亡今過暮而亡夫

子何以知其然孔子曰祭之為言索也索也者盡

也乃孝子所以自盡於其親也將祭而亡其牲則其

餘所亡者多矣若此而不亡者未之有也

家語好

謹

天子諸侯無事則歲三田一為乾豆二為賓客二為

充君之庖無事而不田曰不敬田不以禮曰暴天物

制○入司馬中春教振旅如戰之陳遂以蒐田火弊

獻禽以祭社中夏教芟舍如振旅之陳遂以苗田如

蒐之法車弊獻禽以享初中秋教治兵如振旅之陳

遂以獮田如蒐田之法羅弊致禽以祀社中冬教大

閱遂以狩田及所弊鼓皆駘車徒皆課徒乃弊致禽

饁獸于郊入獻禽以享烝饋○服不氏凡祭祀共猛

獸同○國人祭祀共其生獸死獸之物地○獸人掌







羞頤

右庶羞○記庶羞不踰牲制○水草之菹陸產之醢小物備矣三牲之俎八簋之實美物備矣昆蟲之異草木之實陰陽之物備矣凡天之所生地之所長苟可薦者莫不咸在繇○餼餘不祭父不祭子夫不祭妻曲禮○穀梁子曰四時之田皆為宗廟之事也春曰田夏曰苗秋曰蒐冬曰狩四時之田用三焉唯其所先得一為乾豆二為賓客三為充君之庖<sub>和公四</sub>○鳥獸之肉不登於俎則公不射<sub>春秋左氏傳</sub>○傳宣公夏濫於泗淵罍革斷其罍而棄之曰古者大寒降土蟄發水虞於是乎

留取名魚登川禽而嘗之寢廟行諸國人助宣氣也鳥獸孕水蟲成獸虞於是乎禁豷羅罝魚鼈以為夏槁助生阜也鳥獸成水蟲孕水虞於是乎禁罝罍誤罝鄂以實廟庖畜功用也且夫山不槎蘖澤不伐天魚禁鯢鮪獸長麇麋鳥翼毳卵蟲舍蚺蜍蕃庶物也古之訓也今魚方別孕不教魚長又行網罟貪無藝也網語○屈到嗜芰有疾召其宗老而屬之曰祭我必以芰及祥宗老將薦芰屈建命去之宗老曰夫子屬之子木曰不然夫子承楚國之政其法刑在民心而藏在王府上之可以比先王下之可以訓後世雖微楚國諸侯莫不譽



其祭典有之曰國君有牛享大夫有羊饋士有豚  
犬之奠庶人有魚炙之薦籩豆脯醢則上下共之  
不羞珍異不陳庶侈夫子不以其私欲干國之典  
遂不用麴語○豐卷將祭請田焉子產弗許曰唯  
君用鮮衆給而已春秋左氏傳

舍人以歲時縣種陸之種以共王后之春獻種詘○  
內宰上春詔王后帥六宮之人而生種陸之種而獻  
之于王詘○孟春擇元辰天子親載耒耜措之于參  
保介之御間帥三公九卿諸侯大夫躬耕帝藉天子  
三推三公五推卿諸侯九推反執爵于太寢三公九  
卿諸侯大夫皆御命曰勞酒詘○甸師掌帥其屬而

耕耨王藉以時入之以共齋盛詘○季秋乃命冢宰  
農事備收舉五穀之要藏帝藉之收於神倉祇敬必  
助詘○小宗伯辨六齋之名物與其用使六宮之人  
共奉之詘○廩人大祭祀則共其接盛詘○春人祭  
祀共其齋盛之米詘○小宗伯大祭祀祭之日逆齋  
語○小祝大祭祀逆齋盛詘○舍人凡祭祀共簠簋  
實之陳之詘○肆師祭之日表齋盛告絜詘○大宗  
伯奉玉齋

右染盛○傳昔者天子為藉千畝冕而朱紘躬秉  
耒諸侯為藉百畝冕而青紘躬秉耒以事天地山川  
社稷先古以為醴酪齊盛於是乎取之穀○天子



親耕於南郊以共齊盛諸侯耕於東郊亦以共齊  
盛終○宣王即位不藉千畝虢文公諫曰不可夫  
民之大事在農上帝之棗盛於是乎出民之蕃庶  
於是乎生事之共給於是乎在和協輯睦於是乎  
興財用蕃殖於是乎始敦龐純固於是乎成是故  
稷為大官古者大史順時視土陽瘳憤盈土氣震  
發農祥晨正日月底于天廟土乃脉發先時九日  
大史吉稷曰自今至于初吉陽氣俱蒸土膏其動  
弗震弗渝脉其滿青穀乃不殖稷以告王曰史帥  
陽官以命我司事曰距今九日土其俱動王其祗  
祓監畱辰不易王乃使司徒成戒公卿百吏庶民司

空除壇于藉命農大夫咸戒農用先時五日誓告  
有協風至王即齋宮百官御事各即其齋三日王  
乃淳濯饗醴及期鬱人薦鬯犧人薦醴王裸鬯饗  
醴乃行百吏庶民畢從及藉后稷監之膳夫農正  
陳藉禮大史贊王王敬從之王耕一墾班三之度  
人終于千畝其后稷省功夫史監之司徒省民大  
師監之畢宰夫陳饗膳宰監之膳夫贊王王歆大  
牢班嘗之庶人終食是日也誓帥音官以省風土  
廩于藉東南鍾而藏之而時布之于農稷則徧戒  
百姓紀農協功曰陰陽分布震雷出滯土不備墾  
辟在司寇乃命其旅曰徇農師一之農王再之后



稷三之司空四之司徒五之大保六之大師七之  
 大史八之宗伯九之王則大徇耨穫亦如之民用  
 莫不震動恪恭于農脩其疆畔日服其罽不解于  
 時財用不乏民用和同是時也王事唯農是務無  
 有求利於其官以干農功三時務農而一時講武  
 故征則有威守則有財若是乃能媚於神而和於  
 民矣則享祀時至而布施優裕也今天子欲脩先  
 王之緒而棄其大功置神之祀而困民之財將何  
 以求福用民王弗聽三十九年戰于千畝王師敗  
 績于姜氏之戎國語○父母既沒必求仁者之粟  
 以祀之此之謂禮終繇○公羊子曰魯祭周公何

以為盛魯公壽羣公廩年○孔子侍坐於  
 公賜之桃與黍焉哀公曰請用孔子先食黍而後  
 食桃左右皆掩口而笑公曰黍者所以饗桃非為  
 食之也孔子對曰丘知之矣然夫黍者五穀之長  
 郊禮宗廟以為上盛果屬有六而桃為下祭祀不  
 用不登郊廟丘聞之君子以賤實貴不聞以貴實  
 賤今以五穀之長雪果之下者是從上雪下臣以  
 為妨於教害於義故不敢辭○來廩者虞氏之庠  
 堂○相公十四年秋八月壬申御廩災乙亥嘗  
 左氏曰書不害也○穀梁子曰御廩也災不志此  
 其志何也以為唯未易災之餘而嘗可也志不敬



也天子親耕以共來盛王后親蠶以共祭服國非  
無良農工女也以爲人之所盡事其祖禰不若以  
已所自親者也何用見其未易災之餘而嘗也曰  
甸粟而內之三宮三宮米而藏之御廩夫嘗必有  
兼甸之事焉壬申御廩災乙亥嘗以爲未易災之  
餘而嘗也○公羊子曰御廩梁盛委之所藏也御  
廩災不如勿嘗而已矣

季冬乃命四監收秬薪柴共郊廟及百祀之薪燎翎  
○遂人凡國祭祀令野職饒○委人以式灋共祭祀  
之薪蒸木材坳○司馬氏掌以夫遂取明火於日共  
祭祀之明燭凡邦之大事共墳燭庭燎○甸師祭

祀共蕭茅絜○鄉師大祭祀共茅藉饒○掌屨掌斂  
共白盛之屨○幕人凡祭祀共其帷幕帷布綬官  
○韋次凡祭祀張其旅幕張尸次

右薪茅○傳爲狗之未陳也

尸祝齊戒以

一穀不升謂之嗛二穀不升謂之饑三穀不升謂之  
饑四穀不升謂之康五穀不升謂之大侵大侵之禮  
禱而不祀饗梁○凶年則乘駕馬祀以下牲雜記○  
歲凶年穀不登祭事不縣曲禮○閭師凡庶人不畜  
者祭無牲不耕者祭無盛

右殺禮○傳孔子在齊齊大旱春饑景公問於孔



子曰如之何孔子曰凶年則乘駑馬力役不興馳道不修祈以幣玉祭祀不縣祀以下牲此賢君自貶以救民之禮也家語曲禮○鄭公孫黑肱有疾歸邑于公召室老宗人立段而使黜官薄祭祭以持羊殷以少牢足以共祀春秋左氏傳諸侯之宮縣而祭以白牡擊玉磬朱干設錫冕而舞大武乘大路諸侯之僭禮也郊特牲○大夫具官祭器不假聲樂皆具非禮也是謂亂國體○祝假辭說藏於宗祝巫史非禮也是為幽國醜學及尸君非禮也是謂僭君禮

右天禮○傳禮非祭男女不交爵以此坊民陽侯

猶殺繆侯而竊其夫人故大饗廢夫人之禮也○孔子曰昔臧文仲安知禮夏父弗綦逆祀而不止燔柴於竈以祀焉夫竈者老婦之所祭盛於瓦尊於瓶非所祭也家語曲禮○孔子曰管仲簞豆而朱紘旅樹而反坫山節藻梲賢大夫也而難為上也晏平仲祀其先人豚肩不揜豆賢大夫也而難為下也君子上不僭上下不僭下禮記○魯隱公五年考仲子之宮將萬馬公問羽數於眾仲對曰天子用八諸侯用六大夫四士二夫舞所以節八音而行八風故自八以下公從之於是初獻六羽始用六佾也○公羊子曰譏始僭諸公也六羽之為



僭奈何天子八佾諸公六諸侯四諸公者何諸侯  
者何天子三公稱公王者之後稱公其餘大國稱  
侯小國稱伯子男天子三公者何天子之相也天  
子之相則何以三自陝而東者周公主之自陝而  
西者召公主之一相處乎內始僭諸公昉於此乎  
前此矣前此則過為始乎此僭諸公猶可言也僭  
天子不可言也○尸子曰舞夏自天子至諸侯皆  
用八佾初獻六羽始厲樂矣左氏通經○昭公  
二十五年將禘於襄公萬者二人其衆萬於季氏  
臧孫曰此之謂不能庸先君之廟春秋左○孔子  
謂季氏八佾舞於庭是可忍也孰不可忍也○

三家者以雍徹子曰相維辟公天子穆穆奚取於  
三家之堂公○莊公二十三年秋丹桓宮楹二十  
有四年刻桓宮楹皆非禮也御孫諫曰臣聞之儉  
德之共也侈惡之大也先君有共德而君納諸大  
惡無乃不可乎○穀梁子曰禮天子諸侯黜聖大  
夫倉士黜丹楹非禮也天子之楠斲之斲之加密  
石焉諸侯之楠斲之斲之大夫斲之士斲本刻楠  
非正也夫人所以崇宗廟也取非禮與非正而加  
之於宗廟以飾夫人非正也刻桓宮楠丹桓宮楹  
斥言桓宮以惡莊也春秋左氏穀○初平王之東  
遷也辛有適伊川見被髮而祭於野者曰不及百



年此其戎乎其禮先亡矣秋秦晉遷陸渾之戎于伊川春鞮左昭公將弑季氏告子家駒曰季氏為無道僭於公室久矣吾欲弑之何如子家駒曰諸侯僭於天子大夫僭於諸侯久矣昭公曰吾何僭矣哉子家駒曰設兩觀乘大路以舞大夏八佾以舞大武此皆天子之禮也且夫牛馬維婁委已者也而柔焉季氏得民衆久矣君無多辱焉昭公不從其言終弑之而敗焉公羊傳

儀禮經傳續卷第二十八

儀禮經傳續卷第二十九

祭義

祭禮十三

凡祭有四時春祭曰禘夏祭曰禘秋祭曰嘗冬祭曰烝禘禘陽義也嘗烝陰義也禘者陽之盛也嘗者陰之盛也故曰莫重於禘嘗古者於禘也發爵賜服順陽義也於嘗也出田邑發秋政順陰義也故記曰嘗之日發公室示賞也草艾則墨未發秋政則民弗敢草也故曰禘嘗之義大矣治國之本也不可不知也明其義者君也能其事者臣也不明其義君人不全不能其事為臣不全夫義者所以濟志也諸德之發也是故其德盛者其志厚其志厚者其義章其義章



者其祭也敬祭敬則竟內之子孫莫敢不敬矣是故君子之祭也必身親蒞之有故則使人可也雖使人也君不失其義者君明其義故也其德薄者其志輕疑於其義而求祭使之必敬也弗可得已祭而不敬何以爲民父母矣繇饗禘有樂而食嘗無樂陰陽之義也凡飲養陽氣也凡食養陰氣也故春禘而秋嘗春饗孤子秋食耆老其義一也而食嘗無樂飲養陽氣也故有樂食養陰氣也故無聲凡聲陽也鼎俎章而籩豆偶陰陽之義也籩豆之實水土之品也不敢用褻味而貴多品所以交於旦明之義也特祭不欲數數則煩煩則不敬祭不欲疏疏則怠怠則忘是

故君子合諸天道春禘秋嘗霜露既降君子履之必有悽愴之心非其寒之謂也春雨露既濡君子履之必有怵惕之心如將見之樂以迎來哀以送往故禘有樂而嘗無樂致齊於內散齊於外齊之日思其居處思其筮語思其志意思其所樂思其所嗜齊三日乃見其牲爲齊者祭之日入室儼然必有見乎其位周還出戶肅然必有聞乎其容聲出戶而聽愴然必有聞乎其歎息之聲是故先王之孝也色不忘乎日聲不絕乎耳心志嗜欲不忘乎心致愛則存致慤則著著存不忘乎心夫安得不敬乎君子生則敬養死則敬享思終身弗辱也君子有終身之喪忘日之謂



也忌日不用非不祥也言夫日志有所至而不敢盡其私也唯聖人爲能饗帝孝子爲能饗親饗者鄉也鄉之然後能饗焉是故孝子臨尸而不怍君牽牲夫人奠盎君獻尸夫人薦豆卿大夫相君命婦相夫人齊齊乎其敬也愉愉乎其忠也勿勿諸其欲其饗之也文王之祭也事死者如事生思死者如不欲生忌日必哀種諱如見親祀之忠也如見親之所愛如欲色然其文王與詩云明發不寐有懷二人文王之詩也祭之明日明發不寐饗而致之又從而思之祭之日樂與哀半饗之必樂已至必哀仲尼嘗奉薦而進其親也設其行也趨趨以數已祭子贛問曰子之言

祭齊濟漆漆然今子之祭無濟濟漆漆何也子曰濟濟者容也遠也漆漆者容也自反也容以遠若容以自反也夫何神明之及交夫何濟濟漆漆之有乎反饋樂成薦其薦俎序其禮樂備其百官君子致其濟濟漆漆夫何恍惚之有乎夫言豈一端而已夫各有所當也孝子將祭慮事不可以不豫此時具物不可以不備虛中以治之宮室既修牆屋既設百物既備夫婦齊戒沐浴盛服奉承而進之洞洞乎屬屬乎如弗勝如將失之其孝敬之心至也與薦其薦俎序其禮樂備其百官奉承而進之於是諭其志意以其恍惚以與神明交庶或饗之庶或饗之孝子之志也孝



子之祭也盡其慤而慤焉盡其信而信焉盡其敬而敬焉盡其禮而不過失焉進退必敬如親聽命則或使之也孝子之祭可知也其立之也敬以誦其進之也敬以愉其薦之也敬以欲退而立如將受命已徹而退敬齊之色不絕於面孝子之祭也立而不誦固也進而不愉疏也薦而不欲不愛也退立而不如受命教也已徹而退無敬齊之色而忘本也如是而祭失之矣○孝子之有深愛者必有和氣有和氣者必有愉色有愉色者必有婉容孝子如執玉如奉盈洞洞屬屬然如弗勝如將失之嚴威儼恪非所以事親也成人之道也義○孝子將祭祀必有齊莊之心以

慮事以具服物以脩宮室以治百事及祭之日顏色必溫行必恐如懼不及愛然其莫之也容貌必溫身必誦如語焉而未之然其立屏靜以正如將弗見然及祭之後陶陶遂遂如將復入然是故慤善不違身耳目不違心思慮不違親結諸心形諸色而術省之孝子之志也難○聖王將祭必潔齋精思若親之在方興未登惴惴憧憧專一想親之容貌彷彿此孝子之誠也四方之助祭空而來者滿而反虛而至者實而還皆取凜則焉禮○祭之為言察也察者至也至者人事至也人事至然後祭祭者薦者也薦之為言在也在也者在其道也尚○祭者志意思



慕之情也。悼詭悒優而不能無時至焉。故人之歡欣和合之時則夫忠臣孝子亦悼詭而有所至矣。彼其所至者甚大動也。案屈然已則其於志意之情者惘然不嘆其於禮節者闕然不具。故先王案為之立文尊尊親親之義至矣。故曰祭者志意思慕之情也。忠信愛敬之至矣。禮節文貌之盛矣。苟非聖人莫之能知也。聖人明知之士君子安行之官人以為守百姓以成俗其在君子以為人道也其在百姓以為鬼事也。故鐘鼓管磬琴瑟等笙韶夏濮武為柝則簡象是君子之所以為悼詭其所喜樂之文也。齊衰苴杖居廬食粥席新枕塊是君子之所以為悼詭其所哀痛之文也。師旅有制刑法有等故不備罪是君子之所以為悼詭其所敬惡之文也。卜筮視日齊戒脩塗凡筮饋薦告祝如或饗之物取而皆祭之如或嘗之毋利舉爵主人有尊如或觴之賓出主人拜送反易服即位而哭如或去之哀夫敬夫事死如事生事已如事存狀乎無形影然而成文斷辭。○凡治人之道莫急於禮禮有五經莫重於祭夫祭者非物自外至者也自中出生於心也心怵而奉之以禮是故唯賢者能盡祭之。我賢者之祭也必受其福非世所謂福也。福者備者日順之名也無所不順者之謂備言內盡於己而外順於道也。忠臣以事其君孝子以事其親。



其本一也上則順於鬼神外則順於君長內則以孝於親如此之謂備唯賢者能備能備然後能祭是故賢者之祭也致其誠信與其忠敬奉之以物道之以禮安之以樂參之以時明薦之而已矣不求其為此孝子之心也祭者所以追養繼孝也孝者畜也順於道不逆於倫是之謂畜是故孝子之事親也有三道焉生則養沒則喪喪畢則祭養則觀其順也喪則觀其哀也祭則觀其敬而時也盡此三道者孝子之行也既內自盡又外求助皆禮是也故國君取夫人之辭曰請君之玉女與寡人共有敝邑事宗廟社稷此求助之本也夫祭也者必夫婦親之所以備外內之

官也官備則具備水草之道陸產之醢小物備矣三牲之俎八簋之實美物備矣昆蟲之異草木之實陰陽之物備矣凡天之所生地之所長苟可薦者莫不咸在示盡物也外則盡物內則盡志此祭之心也是故天子親耕於南郊以共齊之盛王后蠶於北郊以共純服諸侯耕於東郊亦以共齊盛夫人蠶於北郊以共冕服天子諸侯非莫耕也王后夫人非莫蠶也身致其誠信誠信之謂盡盡之謂敬敬盡然後可以事神明此祭之道也及時將祭君子乃齊齊之為言齊也齊不齊以致齊者也是故君子非有大事也非有恭敬也則不齊不齊則於物無防也嗜欲無止也



及其將齊也防其邪物訖其嗜欲耳不聽樂故記曰齊者不樂言不敢散其志也心不苟慮必依於道手足不苟動必依於禮是故君子之齊也專致其精明之德也故散齊七日以定之致齊三日以齊之定之謂齊齊者精明之至也然後可以交於神明也是故先期旬有一日宮宰宿夫人夫人亦散齊七日致齊三日君致齊於外夫人致齊於內然後會於大廟君純冕立於阼夫人副禕立於東房君執圭瓚裸尸大宗執璋瓚亞裸及迎牲君執紉卿大夫從士執芻宗婦執盎從夫人薦浣水君執鸞刀羞齊夫人薦豆此之謂夫婦親之○及入舞君執干戚就舞位君為

東上冕而總干率其羣臣以樂皇尸是故天子之祭也與天下樂之諸侯之祭也與竟內樂之冕而摠干率其羣臣以樂皇尸此與竟內樂之義也夫祭有三重焉獻之屬莫重於裸聲莫重於升歌舞莫重於武宿夜此周道也凡三道者所以假於外而以增君子之志也故與志進退志輕則亦輕志重則亦重輕其志而求外之重也雖聖人弗能得也是故君子之祭也必身自盡也所以明重也道之以禮以奉三重而薦諸皇尸此聖人之道也○夫祭有餼餼者祭之末也不可不知也是故古之人有言曰善終者如始餼其是已是故古之君子曰尸亦餼鬼神之餘也惠



術也可以觀政矣是故尸饗君與卿四人餼君起大夫六人餼臣餼君之餘也大夫起士八人餼賤餼貴之餘也士起各執其具以出陳于堂下百官進徹之下餼上之餘也凡餼之道每變以衆所以別貴賤之等而興施惠之象也是故以四簋黍見其脩於廟中也廟中者竟內之象也祭者澤之大者也是故上有大澤則惠必及下顧上先下後耳非上積重而下有凍餒之民也是故上有大澤則民夫人待于下流知惠之必將至也由餼見之矣故曰可以觀政矣祭○祭之為言察也察者至也至者人事至也人事至然后祭祭者薦者也薦之為言在也在也者在其道也

尚書○子曰禹吾無間然矣菲飲食而致孝乎鬼神惡衣服而致孝乎鬼神○散菟卑宮室而盡力乎溝洫禹吾無間然矣條○夫鼎有銘銘者自名也自名以稱揚其先祖之美而明著之後世者也為先祖者莫不有美焉莫不有惡焉銘之義稱美而不稱惡此孝子孝孫之心也唯賢者能之銘者論譏其先祖之有德善功烈勲勞慶嘗馨名列於天下而酌之祭器自成其名焉以祀其先祖者也顯揚先祖所以崇孝也身比焉順也明示後世教也夫銘者壹稱而上下皆得焉耳矣是故君子之觀於銘也既美其所稱又美其所為為之者明足以見之仁足以與之知足以利之可



謂賢矣賢而勿伐可謂恭矣故衛孔悝之鼎銘曰六月丁亥公假于大廟公曰叔舅乃祖莊叔左右成公成公乃命莊叔隨難于漢陽即宮于宗周奔走無射啓右獻公獻公乃命成叔纂乃祖服乃考文叔興舊者欲作率慶士躬恤衛國其勤公家夙夜不解民咸曰休哉公曰叔舅予女銘若纂乃考服悝拜稽首曰對揚以辟之勤大命施于烝彝鼎此衛孔悝之鼎名也古之君子論譔其先祖之美而明著之後世者也以此其身以重其國家如此子孫之守宗廟社稷者其先祖無美而稱之是誣也有善而弗知不明也知而弗傳不仁也此三者君子之所恥也昔者周公旦

有勲勞於天下周公既沒成王康王追念周公之所  
以勲勞者而欲尊魯故賜之以重祭外祭則郊社是  
也內祭則大嘗禘是也夫大嘗禘升歌清廟下而管  
象朱干玉戚以舞大武八佾以舞大夏此天子之樂  
也康周公故以賜魯也子孫纂之至于今不廢所以  
明周公之德而又以重其國也祭率我曰吾聞鬼神  
之名不知其所謂子曰氣也者神之盛也魄也者鬼  
之盛也合鬼與神教之至也衆生必死死必歸土此  
之謂鬼骨肉斃于下陰爲野土其氣發揚于上爲昭  
明焄蒿悽愴此百物之精也神之著也因物之精制  
爲之極明命鬼神以爲黔首則百衆以畏萬民以服



聖人以其為未足也築為宮室設為宗祧以別親疏  
遠邇教民反古復始不忘其所由生也衆之服自此  
故聽且速也二端既立報以二禮建設朝事燔燎膋  
鄉見以蕭光以報氣也此教衆反始也薦黍稷羞肝  
肺首心見聞以俠鯢加以鬱鬯以報魄也教民相愛  
上下用情禮之至也君子反古復始不忘其所由生  
也是以致其敬發其情竭力從事以報其親不敢弗  
盡也是故昔者天子為藉于畷冕而朱紘躬秉耒諸  
侯為藉百畷冕而青紘躬秉耒以事天地山川社稷  
先古以為醴酪齊盛於是乎取之敬之至也古者天  
子諸侯必有蒼獸之官及歲時齊戒沐浴而躬朝之

犧牲祭牲必於是取之敬之至也君召牛納而視之  
擇其毛而卜之吉然後養之君皮弁素積朔月月半  
君巡牲所以致力孝之至也古者天子諸侯必有公  
桑蠶室近川而為之築宮仞有三尺棘牆而外閉之  
及大昕之朝君皮弁素積卜三宮之夫人世婦之吉  
者使入蠶于蠶室奉種浴于川桑于公桑風戾以食  
之歲既單矣世婦卒蠶奉繭以示于君遂獻繭于夫  
人夫人曰此所以為君服與遂副禕而受之因少牢  
以禮之古之獻繭者其率用此與及良日夫人樂三  
盆手遂布于三宮夫人世婦之吉者使纁遂朱綠之  
玄黃之以為黼黻文章服既成君服以祀先王先公



敬之至也。○祭之日君牽牲穆答君卿大夫序從既入廟門麗于碑卿大夫袒而毛牛尚耳鸞刀以割取腍管乃退燭祭祭腥而退敬之至也。祭以義○夫禮之初始諸飲食其燔黍捭豚汗尊而抔飲蕡桴而土鼓猶若可以致其敬於鬼神及其死也升屋而號告曰臯某復然後飯腥而苴孰故天望而地藏也體魄則降知氣在上故死者北首生者南鄉皆從其初昔者先王未有宮室冬則居營窟夏則居橧巢未有火化食草木之實鳥獸之肉飲其血茹其毛未有麻絲衣其羽皮後聖有作然後修火之利范金合土以為臺榭宮室牖戶以炮以燔以亨以炙以為醴酪治其絲

絲以為布帛以養生送死以事鬼神上帝皆從其朔故玄酒在室醴醢在戶染醢在堂澄酒在下陳其犧牲備其鼎俎列其琴瑟管磬鐘鼓脩其祝嘏以降上神與其先祖以正君臣以篤父子以睦兄弟以齊上下夫婦有所是謂承天之祐作其祝號玄酒以祭薦其血毛腥其俎孰其穀與其越席疏布以冝衣其滌帛醴醢以獻薦其燔炙君與夫人交獻以嘉嘉醜是謂合莫大然後退而合亨體其大豕牛羊實其簠簋籩豆鉶羹祝以孝告嘏以慈告是謂大祥此禮之大成也。禮○有虞氏之祭也尚用氣血腥燔祭用氣也殷人尚聲臭味未成滌蕩其聲樂三闋然後出迎牲



聲音之號所以詔告於天地之間也周人尚臭灌用  
鬯臭鬱合鬯臭陰達於淵泉灌以圭璋用玉氣也既  
灌然後迎牲致陰氣也蕭合黍稷臭陽達於牆屋故  
既奠然後燔蕭合羶薌凡祭慎諸此魂氣歸于天形  
魄歸于地故祭求謂陰陽之義也殷人先求諸陽周  
人先求諸陰詔祝於室坐尸於堂用牲於庭升首於  
室直祭祝于主索祭祝于祊不知神之所在於彼乎  
於此乎或諸遠人乎祭于祊尚曰求諸遠者與祊之  
為言倮也祈之為言敬也富也者福也首也者直也  
相饗之也嘏長也大也尸陳也毛血告幽全之物也  
告幽全之物者貴純之道也血祭盛氣也祭肺肝心

貴氣主也祭黍稷加肺祭齊加明水報陰也取脾膋  
燔燎升首報陽也明水洗齊貴新也凡洗新之也其  
謂之明水也由主人之絜著此水也君再拜稽首肉  
袒親割敬之至也敬之至也服也拜服也稽首服之  
甚也肉袒服之盡也祭稱孝孫孝子以其義稱也稱  
曾孫某謂國家也祭祀之相主人自致其敬盡其嘉  
而無讓也腥肆爛臠祭豈知神之所饗也主人自盡  
其敬而已矣舉牛角詔安尸古者尸無事則立有事  
而后坐也尸神象也祝將命也縮酌用茅明酌也醑  
酒浼于清汁獻浼于醑酒猶明清與醑酒于舊澤之  
酒也祭有祈焉有報焉有由辟焉齊之至玄也以陰



幽思也故君子三日齊必見其所祭者郊特大廟之內敬矣君親牽牲大夫贊幣而從君親制祭夫人薦盞君親割牲夫人薦酒卿大夫從君命婦從夫人洞洞乎其敬也屬屬乎其忠也勿勿乎其欲其饗之也納牲詔於庭血毛詔於室羹定詔於堂三詔皆不同位蓋道求而未得也設祭于堂為祫乎外故曰於彼乎於此乎一獻質三獻文五獻察七獻神大饗其王事與三牲魚腊四海九州之美味也籩豆之薦四時之和氣也內金示和也束帛加璧尊德也龜為前列先知也金次之見情也丹漆絲纊竹箭與衆共財也其餘無常貨各以其國之所有則致遠物也其出也

肆夏而送之蓋重禮也禮○王制曰賜圭瓚然後為瓚未賜瓚者資於天子圭瓚瓚宗廟之盛禮故孝道備而賜之瓚所以極著孝道孝道備故內和外祭玉以象德金以配情芬香條也以通神靈玉飾其本君子之性金飾其中君子之道君子有黃中通理之道美之素之德金者精和之至也王者美德之至也瓚者芬香之至也君子有玉璜瓚者以配道德也其至矣合天下之極美以通其志也其唯玉璜瓚乎通白虎○天道至教聖人至德廟堂之上壘尊在阼犧尊在西廟堂之下縣鼓在西應鼓在東君在阼夫人在房大明生於東月生於西此陰陽之分夫



婦之位也君西酌犧象夫人東酌壘尊禮交動乎上  
樂交應乎下和之至也禮子曰武王周公其達孝矣  
乎夫孝者善繼人之志善述人之事者也春秋修其  
祖廟陳其宗器設其裳衣薦其時食宗廟之禮所以  
序昭穆也序爵所以辨貴賤也序事所以辨賢也旅  
酬下為上所以逮賤也燕毛所以序齒也踐其位行  
其禮奏其樂敬其所尊愛其所親事死如事生事已  
如事存孝之至也郊社之禮所以事上帝也宗廟之  
禮所以祀乎其先也明乎郊社之禮禘嘗之義治國  
其如示諸掌乎禮書曰乃女其悉自學功悉盡也  
學効也傳曰當其効功也於卜洛邑營成周改正朔

立宗廟序祭祀易犧牲制禮樂一統天下合和四海  
而致諸侯皆莫不依紳端冕以奉祭祀者其下莫不  
自悉以奉其上者莫不自悉以奉其祭祀者此之謂  
也盡其天下諸侯之志而効天下諸侯之功也廟者  
貌也其以貌言之也宮室中度衣服中制犧牲中時  
殺者中死割者中理搏弁者為文鬯醴者有容椽杙  
者有數大廟之中縮乎其猶模繡也天下諸侯之悉  
來進受命於周公而退見文武之尸者千七百七十  
三諸侯皆莫不磬折玉音金聲王色然後周公與升  
歌而絃文武諸侯在廟中者倏然淵其志和其情愀  
然若復見文武之身然後曰嗟予乎此蓋吾先君文



武之風也夫及執俎抗鼎執刀執匕者負磨而歌憤於其情發於中而樂節文故周人追祖文王而宗武王也是故周書自泰誓就召誥而盛於洛誥○故其書曰揚文武之德烈奉對天命和恒萬邦四方民是以見之也孔子曰吾於洛誥也見周公之德光明于上下勤施四方旁作穆穆至于海表莫敢不來服莫敢不來享以勤文王之鮮光以揚武王之大訓而天下大洽故曰聖之與聖也猶規之相周矩之相襲也尚書○高宗祭成湯有飛雉升鼎耳而雉祖已訓諸王作高宗彤日高宗之訓高宗彤日高宗彤日越有雉雉祖已曰惟先格王正厥事乃訓于王曰惟天監

下民典厥義降年有永有不永非天天民民中絕命民有不若德不聽罪天既孚命正厥德乃曰其如台嗚呼王司敬民罔非天胤典祀無豐于昵書高宗○傳說曰黷于祭祀時謂弗欽禮煩則亂事神則難書○禮記曾子曰生事之以禮死葬之以禮祭之以禮可謂孝矣孟子滕文○子路曰吾聞諸夫子喪禮與其哀不足而禮有餘也不若禮不足而哀有餘也祭禮與其敬不足而禮有餘也不若禮不足而敬有餘也禮記○祭祀之有尸也宗廟之有生也示民有事也修宗廟敬祀事教民追孝也以此坊民民猶忘其親其飲三衆賓飲一示民有上下也○七日戒三日齊齊一人



馬以爲尸過之者趨走以教敬也醴酒在室醕酒在  
堂澄酒在下示民不淫也因其酒肉聚其宗族以教  
民睦也記

儀禮經傳續卷第二十九



